

DS
735
A2486
1771a
V.25

University of Toronto
Library

C400/62

ASIAN COLLECTION

御批歷代通鑑輯覽卷之四十九

隋

煬帝

綱目泥隋書北史舊文於

是年正月即分注義寧二

蓋二史特以義寧已奉

煬帝為太上皇故用義寧

繼大業年號耳若綱目於

義寧之立既斥之於不成

君之列於煬帝之弑又並

不加以太上皇之稱則安

得從繼述之例乎蓋通鑑

於大業十三年正月竟書

義寧元年雖疾惡之義究

乖統繫肇創今折衷書法

於是年用一歲兩係之例

大業十四年恭帝伯義寧二年考是年楚林士弘魏

建元俱載三月定楊等建元俱已見前恭帝侗唐高祖等春正月唐王淵遣世子建成秦公世民救

東都以齊公元吉為太原道行軍元帥

三月宇文化及弑帝于江都立秦王浩

帝至江都荒淫益甚然見天下危亂亦不自安退朝則

幅巾短衣徧歷臺閣汲汲顧景惟恐不足常仲視天文

問大有人圖讎然且共樂飲耳因引滿沈醉又引鏡自

照曰好頭頸誰當斫之后驚問故帝笑曰貴賤苦樂更

迭為之亦見中原已亂無心北歸欲保江東乃命治丹

復何傷

隋煬帝

三月以前大書大業十四年而以義寧二年附注四月以後分注義寧二年而以恭帝侗及唐高祖附後義例庶無矛盾

陽宮將徙都之時江都糧盡從駕驍果多關中人思歸
郎將司馬德戡元禮直閤裴虔通等共謀亡去因轉相
招引日夜結約郎將趙行樞以告將作少監宇文智及
智及大喜曰今天實喪隋英雄並起同心叛者已數萬
人因行大事此帝王之業也德戡等然之行樞因請以
智及兄許公化及爲主乃悉召驍果諭以所爲夜于東
城集兵得數萬人德戡使虔通將數百騎入宮屯衛將
軍獨孤盛與左右十餘人拒戰而死德戡遂引兵自元
武門入先是帝選驍健宮奴數百人置元武門謂之給使矯詔聽給使出帝聞亂易服逃于西閤虔通等入承
卷問陛下安在有美人出指之校尉令狐行達拔刀直

進扶帝下閤。勒兵守之。至旦。以甲騎迎化。及化及戰。栗不能言。既至。德戡等迎謁。引入朝堂。號爲丞相。虔通逼帝出宮。化及見之。曰。何用持此物出。亟還與手。言與之毒手而殺之。于是引帝還至寢殿。虔通等露刃侍立。帝嘆曰。我何罪至此。賊黨馬文舉曰。陛下違棄宗廟。巡遊不息。外勤征討。內極奢淫。使丁壯盡于矢刃。女弱填于溝壑。四民喪業。盜賊蜂起。專任佞諛。飾非拒諫。何謂無罪。帝曰。我實負百姓。至于爾輩。榮祿兼極。何乃如是。今日之事。孰爲首邪。德戡曰。溥天同怨。何止一人。化及又使封德彝數帝罪。帝曰。卿乃士人。何爲亦爾。德彝赧然而退。帝愛王杲年十三。在側號慟不已。虔通斬之。血濺御服。欲遂弑帝。帝曰。天子死自有法。何得加以鋒刃。或鳩酒來。文

舉等

不許。于是令狐行達引帝縊殺之。初帝每巡幸常以蜀

王秀自隨。化及既弑帝。欲迎立之。眾議不可。乃殺之。及

齊王暕。宗戚無少長皆死。唯秦王浩素與智及往來。得

免。又殺虞世基。裴蘊來護兒等。世基弟世南。抱世基號泣。請以自代。化及不許。虞世南字伯施。化及

自稱大丞相。總百揆。以皇后令立秦王浩為帝。居別宮。

以兵守之。令發詔畫敕而已。化及之入朝堂也。百官畢

賀。蘇威亦往。給事郎許善心獨不至。化及殺之。其母范

氏年九十二。撫極不哭。曰。吾有子矣。不食而卒。唐王之

張季珣之弟仲琰為上洛令。死之。至是仲琰弟琮為千

牛左右。亦為化及所殺。兄弟皆死。國難。時人惜之。唐王

聞變。慟哭曰。吾北面事人。失道不能救。敢忘哀乎。追諡曰場。

宇文化及發江都。

化及擁衆十餘萬。據有六宮。自奉如煬帝以少主浩付尚書省。令衛士守之。遣吏取其畫敕百官不復朝參。下令欲還長安。奪人舟楫以行。虎賁郎將麥孟才等與折衝郎將沈光謀曰。吾儕受先帝厚恩。今俛首事讐。何面目視息人間。光泣曰。是所望于將軍也。乃與孟才糾合恩舊。帥所將數千人。將以晨襲化及。語洩。被殺。其麾下皆鬪死。無一降者。麥孟才。鐵杖子。沈光。字總持。吳興人。及至彭城。司馬德戡與趙行樞等亦魏公密兵據鞏洛以拒化及。謀殺化及。事洩。化及殺之。魏公密兵據鞏洛以拒化及。化及不得西。遂引兵入東郡。

吳興太守沈法興。武康人。恪之子。起兵。據江表十餘郡。

法興聞宇文化及弑逆。舉兵討之。得精兵六萬。攻餘杭。

本錢塘郡。開皇中曰杭州。大業初改郡。曰餘杭。今浙江杭州府是。毘陵。丹陽。注俱見前。皆下

之。據十餘郡。

是年三月隋亡矣兩恭帝
一出於唐一出於王世充
等準以不成君之例雖與
漢更始同至唐高祖於五
月受禪然其得統終不可
同之漢高且煬帝弑而恭
帝侑立於東都不可謂非
正故別起義例於是年三
月前仍大書紀年作隋於
夏四月但分注紀年自己
卯至癸未始作隋唐按之
書法三月前與綱目異前
深已著其說四月後與綱
目同復揭其義於此

夏四月

隋恭帝侑義寧三年恭帝侑皇泰元年唐高祖神

堯皇帝李淵武德元年夏王竇建德五鳳元年涼

王李軌安樂元年

楚王朱粲昌達元年是歲三月隋煬

帝亡四月後并楚林士弘魏定楊梁梁師都秦梁蕭銑凡

十二國隋恭

帝侑秦魏亡

唐世子建成趙公世民

世民于三月徙封趙

等還長安

建成世民引兵至東都城多欲為內應者世民曰吾

新定關中根本未固雖得東都不能守也遂不受將還

世民又曰城中見吾還必來追躡乃設三伏以待之段

達等果來追遇伏而敗世民遂置新安宜陽二郡

注見前

分兵守之而還

梁王銑稱皇帝

梁王蕭銑即帝位置百官徙都江陵修復原廟引岑文

唐王自為相國受禪隋恭
仍沿魏晉以來惡道歸稱
詆歷公之繁文欺罔以九
錫歸之有司而其迹究不
可掩覆至間變慟哭幾於
色取行違矣

字景仁鄧州棘陽人為中書侍郎委以機密又使張繡徇嶺南
郡縣多降于是東自九江西自三峽南盡交趾北距漢
川銳皆有之勝兵四十餘萬

五月唐王淵稱皇帝

先是唐王淵自加殊禮劍履上殿贊拜不名王以書諭
郡縣于是東至商洛南盡巴蜀

郡縣長吏盜賊氏已而復為相國總百揆謂僚屬曰

詔諛所為耳孤秉大政而自加九錫可乎必若循魏晉
之迹彼皆繁文偽飾欺天罔人孤竊恥之或曰歷代所

行亦何可廢王曰堯舜湯武各因其時未聞夏商之末
必效唐虞之禪也但改丞相為相國府其九錫殊禮皆

歸之至是隋帝侑禪位于唐唐王即皇帝位推五運為
有司

土德色尚黃廢帝侑為鄴國公而選用其宗室詔曰近

時運遷革前代親族莫不誅夷興亡之効豈伊人
力其隋蔡王智積等子孫并付所司量才選用

御批歷代通鑑輯覽 卷之四十一
唐罷郡置州以太守爲刺史。

隋越王侗稱皇帝。

東都留守官聞煬帝凶問奉越王侗卽位。段達王世充爲納言。元文都爲內史令共掌朝政。

唐定律令置學校。

命裴寂劉文靜等修律令行之。置國子太學四門生三百餘員。郡縣學亦置生員。

六月唐以裴寂爲右僕射知政事。劉文靜爲納言。竇威蕭瑀爲內史令。

唐主待裴寂特厚羣臣莫及。稱爲裴監而不名。委蕭瑀以庶政。事無大小莫不關掌。瑀亦孜孜盡力。繩違舉過。

蕭瑄等大業二年奉勅不
創宣行未幾瑄等過正政
事隨時損益豈能前後適
相脗合置事勢緩急於不
問輒從中阻隔浸假而玩
愒廢弛為患滋甚且以朝
廷綸綍而臣下得操其行
止亦違承令之義明季封
駁惡習未必非監觴於此
也

有唐創業秦王實肇其謀
以賢以功並宜繼承大統
且當晉陽初起時已面許
為太子久矣乃不為宗社

人皆憚而毀之瑀終不自理

唐王嘗有敕瑀不時宣行唐主責之瑀對曰大業之

世內史宣敕或前後相違有司不知所從今王業經始事繫安危故臣每受一敕必勘審使與前敕不違始敢宣行稽緩之愆實由于此唐主曰卿用心如此吾復何憂

唐立四親廟

追尊高祖熙曰宣簡公會祖天錫曰懿王祖虎曰景皇

帝廟號太祖考昞曰元皇帝廟號世祖妣皆為后諡妃

竇氏曰穆皇后每歲祀昊天上帝皇地祇神州

鄒衍大九州之

一中國在焉秦以後遂為中國之稱地祇以景帝配感生帝五帝迭王王其一為感生帝說出春秋明堂宗祀也注見前以元帝配元命苞迭王之王去聲

唐立世子建成為太子世民為秦王元吉為齊王

宗室封王者八人

綿遠計而用俗儒嫡長迂
譚轉致骨肉累生自貽伊
戚後世罔知殷鑒如明洪
武之不立嫡非蹈覆轍
而不悔者乎前因漢事
為引其端并詳著其義類
於此

唐以永安王孝基

唐主從兄弟

為陝州總管。

時邊要州皆置總管府以統數州之兵。

唐以孫伏伽

貝州武城人

為治書侍御史。

萬年縣

後周置。今日咸寧。與長安俱為西安府治。

法曹孫伏伽上表。

畧曰。隋

其過亡天下。故陛下得之。然陛下徒知得之之易。而未
知隋失之之難也。謂宜易其覆轍。務盡下情。凡人君
言動。不可不慎。陛下今日即位。而明日有獻鵠雛者。此
乃少年之事。豈聖主所須哉。又百戲散樂。亡國淫聲。近
太常于民間。借婦女裙襦。以充妓衣。擬五月五日元武
門遊戲。此亦非所以為子孫法也。夫善惡之習。漸染易
移。太子諸王。參僚左右。宜謹擇其人。有門風不睦。素無
行義。專好奢靡。以聲色遊獵為事者。皆不可近。自古骨
肉乖離。以至敗亡。未有。唐主省之大悅。下詔褒稱。擢為
治書侍御史。賜帛三百匹。仍頒示遠近。

魏公密敗。宇文化及于黎陽。奉表降隋。

亂臣賊子人得而讎
密既知化及無能為

東都聞字文化及西來。上下震懼。有蓋琮者。上疏請說
李密。與之入。勢以拒化及。元文都。盧楚范陽人以為然。使

琮齎敕書。賜密。化及引兵北趣黎陽。密將徐世勣畏

其軍鋒。西保倉城。化及渡河。分兵圍世勣。密壁于清淇。

與化及隔水而語。數之曰。卿本匈奴。皂隸。世受隋恩。主

上失德。不能死諫。反行弑逆。天地所不容。將欲何之。化

及默然良久。大言曰。與爾論相殺事。何須作書語耶。乃

盛修攻具。以逼倉城。世勣擊敗之。密畏東都議其後。見

蓋琮至。大喜。遂上表乞降。請滅化及。以贖罪。隋主拜

密太尉。封魏公。俟平化及。入朝輔政。元文都等喜于和

作樂。王世充作色曰。朝廷官爵。乃以與賊。其志欲何為。
邪。文都等亦疑世充欲以城應化及。由是有隙。已而化

急擊以正其罪而轉以義
舉留待建德耶

及食盡。引兵向東。北趣魏縣。密知其無能為。西還軍洛陽。
餘世嗣以備之時。蘇威亦請密降。密虛心禮之。威初不
言。帝室報難。惟再三舞蹈稱不
圖。今日得見聖明。時人鄙之。

秋七月。隋王世充殺元文都。隋主以世充為僕射。魏公密
如東都。不至而復。

李密每戰勝。輒使告捷于隋。隋人皆喜。世充獨曰。文都
輩刀筆吏耳。吾觀其勢。必為李密所擒。且吾軍士屢與
密戰。殺其軍父兄弟。前後已多。一旦為之下。吾屬無
唯類矣。欲以激怒其眾。文都懼。謀因世充朝。伏甲誅之。
段達以告世充。世充夜勒兵襲合嘉門。文都入奉隋主。
御殿。開門拒守。世充攻太陽門。得入。殺盧楚。使段達脅
隋主出。文都殺之。及其諸子。悉遣人代宿衛者。然後入。

文遠勸密數語云不愧宿儒乃明知世充殘忍而子密敗之後不即引身遠避是豈直瀆於榮利者蓋尊此之莊言激論特預料密能見容故無難樂得其道及知世充不能容遂至住守下拜所詞五經掃地蓋亦長樂老人之流耳

見謝曰。文都等欲召李密。以危社稷。疾臣違異。深積猜嫌。迫于救死。不暇聞奏。乃被髮爲誓。詞淚俱發。隋主以爲誠。以世充爲左僕射。總督內外諸軍事。世充移居尙書省。使兄世憚入居禁中。子弟咸典兵馬。隋主拱手而已。密將入朝。至溫。聞變而還。初。密獲東都國子祭酒徐文遠。故嘗受業者也。備弟子禮。北面拜之。文遠曰。將軍之志。欲爲伊霍。以繼絕扶傾。則老夫雖遲暮。猶願盡力。若爲莽卓。乘危邀利。則無所用老夫矣。密頓首受教。至是密復問計。文遠曰。世充亦吾門人也。其人殘忍。必有異圖。將軍前計。必不諧矣。世充未破。不可入朝也。後密敗。文遠復入東都。見世充。必先拜。或問口。君倨見密而敬王公。何也。文遠曰。魏公君子也。能容賢士。王公。小人也。能殺故人。安得不拜。徐文遠。名曠。以字行。孝嗣五世孫。

長樂王建德。定都樂壽。

初。建德攻河間。隋郡丞王琮拒守歲餘不下。及聞煬帝

凶問。琮帥吏民發喪。建德遣使弔之。琮乃請降。建德退舍待之。琮言及隋亡。建德亦爲之泣。諸將請烹之。建德曰。忠臣也。吾方賞之以勸事君。奈何殺之。往在高雞泊爲盜。容可妄殺人。今欲安百姓。定天下。豈得害忠良乎。以琮爲瀛州刺史。于是河北郡縣聞之。爭附于建德。饒陽令宋正本。博學有才氣。說建德以定河北之策。建德曰。爲謀主。定都樂壽。備置百官。

八月。秦主舉卒。子仁杲立。

先是。唐秦王世民與秦主舉戰于高塘。

城名。在今陝西邠州長武縣北。

敗績。郝瑗因言于舉曰。唐兵新破。關中騷動。宜乘勝直取長安。舉然之。會病卒。仁杲立。居折墪城。

仁杲之爲太子也。與諸將

多有隙。及即位。衆心猜懼。郝瑗哭舉而死。
由是浸弱。折塘城在今平涼府涇州。

唐立李軌爲涼王。

唐主欲與李軌共圖秦隴。遣使招撫之。謂之從弟。軌大

喜。遣弟入貢。遂册拜軌爲涼王。已而軌自稱帝。

隋人葬煬帝于江都。

隋江都太守陳稜求得煬帝之柩。略備儀衛葬之。葬于江都

宮西。吳公臺下。

魏公密與隋戰。大敗。遂以其衆降唐。

密開洛口倉。羣盜就食者。近百萬口。東都降者。日以百

數。倉無防守文券。取者隨意。委棄衢路。米厚數寸。淘米

洛水兩岸十里。衆如白沙。密喜謂賈閏甫曰。此可謂足食矣。閏甫曰。國以民爲本。民以食爲天。今民羸負而

時隋軍乏食。密軍少衣。王世充請交易。密許之。東都降者遂少。世充簡兵擊密。密留王伯當守金墉。邴元真守

洛口。自引精兵出偃師。北阻邙山以待之。

裴仁基謂密曰。世充悉衆

而至。洛下必虛。可簡精兵三萬。傍河西出。以逼東都。世充還。我且按甲。如此。則我有餘力。彼勞奔命。破之必矣。密以爲然。旣而諸將欲戰者什七八。密又惑而從之。魏徵亦言于長史鄭頤曰。世充乏食。志在死戰。未若深溝高壘。以拒之。不過旬月。世充必退。追而擊之。蔑不勝矣。頤曰。此老生之常談耳。密輕世充。不設壘壁。世充夜遣騎潛入北山。伏谿谷中。命軍士皆秣馬。解食。遲明薄密。密兵未及成列。世充縱擊之。其士卒皆江淮剽勇。出入如飛。戰方酣。伏兵乘高馳下。密衆大潰。馳回洛口。邴元真已遣人潛告世充。單雄信亦降。密自度不能支。帥輕騎奔虎牢。王伯當亦棄金墉保河陽。密

欲南阻河北守太行東連黎陽時徐世勣鎮黎陽以圖進取諸

將曰兵新失利衆心危懼難以成功密曰孤所恃者衆

也衆既不願孤道窮矣諸君幸不相棄當共解圍中衆

咸曰然從密入關者二萬人于是密之將帥州縣多降

于隋

唐行戊寅歷戊寅年唐立國

白馬道士傅仁均所造也

隋宇文化及弑秦王浩自稱許帝

宇文化及兵勢日蹙兄弟酣宴尤智及曰今所向無成

負弑君之名天下不容必將滅族豈不由汝智及怒數

相鬪閱其衆多亡化及嘆曰人生固當死豈不一日爲

帝乎。于是鳩殺秦王浩。稱帝于魏縣。國號許。

冬十月壬申朔日食。

唐以李密爲光祿卿邢國公。

密將至。唐主遣使迎勞相望。密喜曰。我擁衆百萬。解甲歸唐。比于竇融。功亦不細。豈不以台司見處。及至長安。

乃拜光祿卿。賜爵邢國公。密大失望。

朱粲自稱楚帝。取唐鄧州。

開皇中置大業初改南陽郡。唐仍爲州。今屬南陽府。刺史

呂子臧。

荊州河東人。死之。

子臧與撫慰使馬元規

安西人。

擊朱粲。破之。言于元規曰。

粲新敗危懼。併力擊之。一舉可滅。若復遷延。其徒稍集。則爲患深矣。元規不從。既而粲收衆餘衆。復大振。自

秦王用兵之長大約如以
持重養銳繼以深入赴機
前後屢戰屢勝歷歷不爽
雖英略天授王者不死然
兵家言靜若處女狡若脫
兔者正復不外此道

稱楚帝進攻鄧州子臧撫膺謂元規曰老夫今日坐公
死矣曾霖雨城壞所親勸子臧降子臧曰安有天子方
伯降賊者乎帥麾下赴敵死俄而城陷元規死

十一月唐秦王世民破秦兵秦主仁杲降還至長安斬之

唐主遣秦王世民伐秦至高塘仁杲使宗羅喉將兵拒

之世民堅壁不出

諸將請戰世民曰我軍新敗士氣沮喪賊恃勝而驕有輕我心宜閉壘以

待之彼驕我奮可一戰而克

也乃令軍中日敢言戰者斬相持六十餘日仁杲糧盡

所部多降世民乃命梁實營于淺水原

一名武原在鄧州長武縣東

北以誘之羅喉大喜盡銳攻之數日世民度其已疲謂

諸將曰可以戰矣使龐玉陳于原南羅喉併兵擊之王

幾不能支世民乃引大軍自原北出其不意自帥驍騎

陷陳。羅喉軍潰。世民帥騎追之。竇軌叩馬苦諫。世民曰。破竹之勢。不可失也。遂進圍仁杲。仁杲將士多叛。計窮

出降。得其精兵萬餘人。

諸將皆賀。因問曰。大王一戰而

下。衆皆以爲不克。而卒取之。何也。世民曰。羅喉所將皆隴外驍將。悍卒。吾特出其不意破之。斬獲不多。若緩之。則皆入城。仁杲撫而用之。未易克也。急之則散歸隴外。折無虛弱。仁杲破膽。不暇爲謀。此吾所以克也。衆皆悅服。世民聞褚亮名。求訪獲之。引爲文學。唐主使李密迎世民于幽州。密自恃智略功名。見唐主猶有傲色。及見世民。不覺驚服。私謂殷開山曰。真英主也。不如是。何以定禍亂乎。世民還至長安。唐主

命斬仁杲于市。并酋黨數十人。

仁杲父子據隴西。凡五年而滅。

徐世勣降唐。賜姓李氏。

世勣據李密舊境。未有所屬。魏徵隨密至長安。無所知名。乃自請安集山東。唐主以爲秘書丞。乘傳至黎陽。勸

世勣不以李密土地邀功。頗見志節。唐太宗所云。公不召李密。豈普負朕誠。非

虛語後於立武后事。九漢
忍依阿毫無匡救則暮年
門戶計重竟爾易操非獨
廉謹有餘剛方不足實亦
有負太宗之知已矣

世勣早降。世勣遂決計西向。謂長史郭孝恪易名曰。此
民衆土地。皆魏公有也。吾若獻之。是利主之敗。自爲功。
以邀富貴也。今宜籍郡縣戶口士馬之數。以啓魏公。使
自獻之。乃使孝恪詣長安。唐主初怪世勣無表。旣而聞
之。嘆曰。世勣不背德。不邀功。純臣也。賜姓李氏。

長樂王建德改國號曰夏。

有大鳥五。集于樂壽。羣鳥數萬從之。又有得元圭以獻
者。建德羣臣曰。此天所以賜大禹也。乃改國號夏。改元五鳳

唐以秦王世民爲陝東大行臺。

蒲州及河北兵馬並受節度。

唐殺隋河東守將堯君素。

隋將堯君素守河東。唐遣獨孤懷恩

信之孫

攻之不下。招

之不從。遣其妻至城下謂之曰。隋室已亡。君何自苦。君

素曰。天下名義。非婦人所知。引弓射之。應絃而倒。君素

志在守死。每言及國家。未嘗不歔歔。謂將士曰。吾大義

不得不死。必若隋祚永終。天命有屬。自當斷頭以付諸

君。持取富貴。今城池甚固。倉儲豐備。大事猶未可知。不

可橫生心也。久之食盡。又聞江都傾覆。左右殺君素以

降。別將王行本誅作亂者。復乘城拒守。懷恩引兵圍之。

行本拒守二年。糧盡援絕。乃出降。唐主斬之。懷恩以久

攻蒲城不下。唐主數請讓之。由是怨望。及行本降。懷恩

遂謀據蒲坂以
唐以羅藝為幽州總管。

初。字文化及遣使招藝。藝曰。我隋臣也。斬其使為煬帝

發喪。寶建德高開道各遣使招之。藝曰。二子皆劇賊耳。

唐公乃吾主也。遂奉表降唐。唐以為幽州總管。其將薛

萬徹。萬均。皆世雄子。亦皆授以官爵。藝司馬溫彥博。名大臨。字行

并州人。贊其歸唐之計。唐徵為中書侍郎。與兄黃門侍郎

大雅。字彥均。並居近密。寶建德帥眾十萬寇幽州。藝用萬

城旁俟建德半渡擊之。建德大敗。引還。已而唐賜藝姓李氏。又屢敗夏兵。

唐以西突厥曷娑那可汗為歸義王。

曷娑那獻大珠。唐主曰。珠誠至寶。然朕寶王赤心。珠無

所用。竟還之。後北突厥遣使請殺曷娑那。唐主不許。久之。縱北突厥使者殺之。

唐李密叛。行軍總管盛彥師。宋州虞城人。討斬之。

唐史列羣雄以密為巨擘。然觀其擁眾百萬時。既不

能自規建。至一經敗。祿
徐世勣。鎮守而已。
魏。沮喪。北。降。唐。又。以
着。伍。絳。灌。忘。身。於。一。朝。之
忿。反。覆。失。據。若。此。歐。陽。修
謂。為。田。橫。之。流。實。非。定。論

先是密言于唐主。請收撫山東。與賈閔甫偕行。

密遇大朝會

當進食。深恥之。退以告王伯當。伯當曰。天下事在公度內耳。密因請收山東以自效。唐主許之。羣

臣以為不可。唐主不聽。以王伯當為副而遣之。密既出

關。長史張寶德上封事。言其必叛。唐主乃敕密還。更受

節度。

密謂賈閔甫曰。無故召還。恐無生理。不若破桃林

甫曰。明公既已委質。復生異圖。雖破桃林。兵豈暇集。一

異心。密怒曰。唐使吾與絳灌同列。吾何以堪之。閔甫曰。

自翟讓受戮之後。人皆謂明公棄恩忘本。今日誰肯復

以兵委公者。大福不再。願熟思之。密大怒。揮刃欲擊之。

閔甫奔熊州。桃林。隋縣。唐改靈寶。今屬陝州。熊州。後

周置。今河南府宜陽縣是。密遂斬使者。入桃林縣。驅掠徒眾。直趣南

山。乘險而東。使人馳告故將伊州刺史張善相。

伊州。今

以兵應接。而聲言向洛。行軍總管盛彥師聞之。率眾踰

山。乘險而東。使人馳告故將伊州刺史張善相。伊州。今

熊耳山南。據要道。令其衆夾路而伏。命之曰俟賊半度。

一時俱發。

或曰。聞密欲向洛。而公入山。何也。彥師曰。密聲言向洛。實欲出人不意。走襄城。就張善相。

耳。若賊入谷。我自後追之。山路險隘。一夫殿後。必不能制。今吾得先入谷。擒之必矣。密果南出半

度。彥師擊斬之。及伯當。傳首長安。

密起兵凡六年而滅。李世勣在

黎陽。唐主遣使以密首示之。世勣北面號慟。表請收葬。

詔歸其屍。世勣舉軍縞素葬之。密素得士心。哭之多嘔

血。

張善相降于唐。後爲王世充所殺。

高開道據漁陽。自稱燕王。

署置百官。有衆數萬。

懷戎。浮屠高曇晟。殺令據縣。自號大乘皇帝。遣使約開道爲兄弟。開

道引衆從之。

居三月。殺曇晟。并有其地。懷戎。北齊縣。故城在今宣化府保安州。

唐以李素立。

趙州高邑人。義深曾孫。

爲侍御史。

唐六典。侍御史。從六品上。

有犯法不至死者。唐主特命殺之。監察御史

六典。監察御史。從八

品上。李素立諫曰。三尺法。王者所與天下共也。法一動搖。

人無所措手足。陛下甫創鴻業。奈何棄法。臣不敢奉詔。

唐主從之。命所司授以七品清要官。擬雍州司戶。唐主

曰。要而不清。又擬秘書郎。唐主曰。清而不要。遂擢授侍

御史。

隋唐

已隋恭帝侗皇泰二年。唐武德二年。鄭王王世充開明元
卯年。梁王沈法興延康元年。吳王李子通明政元年。是歲
隋涼。楚。梁。并楚。夏。定楊。梁師都。梁銑。凡七國。再是年
以後。分據諸國。依十六國之例。非建國。改元嗣位。歲首俱
不備。春正月。隋王世充殺總管劉孝元。獨孤武都。

王世充之敗李密也。隋主以爲太尉尙書令。使開府。備

口惠而實不至。不過婦人之仁。雖一時人受其惠。久則底裏畢露。其誰信之。且世充淺狹猜忌。素為秦叔寶程知節所窺。漸將解體。而妄冀以甘言要結。文其逆謀。此與新莽之謙恭何異耶。

置官屬。于是世充盡取隋朝顯官名士。為太尉府屬。杜

淹

字執禮。如晦叔。

戴胄

字元脩。相州安陽人。

皆預焉。

世充專總朝政。設三榜于府外。上書陳事者。日以百數。世充悉引見。殷勤慰諭。人人自喜。然終無所施行。下至士卒廝養。皆以甘言悅之。而實無恩施。

馬軍總管獨孤武都。為世充所親任。步軍總管劉孝元。與武都從弟機等。謀召唐兵。使崔孝仁說武都為內應。武都從之。事泄。世充皆殺之。

淮安

本顯州。大業初改郡。今南陽府泌陽縣是。

楊士林擊朱粲。破之。

朱粲有眾二十萬。剽掠漢淮間。每破州縣。食其積粟。將去。悉焚其餘。軍中乏食。乃教士卒烹婦人嬰兒。噉之。曰。肉之美者。無過于人。但使他國有人。何憂于餒。于是諸城堡相率叛之。淮安土豪楊士林起兵攻粲。旁郡響應。

粲大敗奔菊潭

本漢酈縣。隋更名。故城在今南陽府內鄉縣。縣西北有菊潭。水極甘芳。飲者多

壽。隋以此名縣。

士林帥漢東四郡降唐。唐以為顯州。

唐改郡為州。從舊稱。

道行臺

已而粲降唐。唐以為楚王。使散騎常侍段確勞

醉人。正如糟。確怒罵曰。狂賊入朝。為一頭奴耳。復得

噉人乎。粲烹食之。遂屠菊潭。奔王世充。後世充敗。粲斬于洛水上。士林後為長史。田瓚所殺。以州歸唐。

二月唐定租庸調法。

其法以人丁為本。田則有租。身則有庸。戶則有調。損益

歷代之制而定之。

制詳後。按租取于田。即粟米之征。庸取于丁。即力役之征。調取于戶。即

布縷之征也。

唐置宗師。

詔諸宗姓居官者。在同列之上。未仕者免徭役。每州置

宗師一人以攝總。別為團伍。

夏王建德破宇文化及于聊城。注見前。誅之。

宇文化及誘海曲。注見前。諸賊帥王薄等共守聊城。竇建

德謂其下曰。隋為吾君。吾為隋民。化及弑逆。不可不討。

乃引兵趣聊城。與化及連戰。大破之。生擒化及。先謁隋

蕭后。稱臣。素服哭。煬帝盡哀。收傳國璽。執智及與其黨。

集隋宮而斬之。以檻車載化及。斬之。葬國。建德每克城。得資財。悉以

分將士。常食蔬茹栗飯。妻曹氏不衣統綺。婢妾纔十許人。得隋宮人數千。卽時散遣。以裴矩為左僕射。自餘隨

才授職。欲詣關中。及東都者聽之。王薄等皆歸建德。薄尋降唐。授齊州總管。後為李武意所殺。

唐以宇文士及為上儀同。封德彝為內史侍郎。

初。唐主與宇文士及善。化及既死。手詔召之。士及與封

胡實備建德謂獨夫已自絕于天下何必又為發哀其言未免深刻蓋建德人雖不學無術然已能伸亂賊之誅志概殊為磊落以視反顏章竇顧當何如昌黎所稱淫辭助攻其非無見

德彝來降。時士及妹爲昭儀。由是授上儀同。唐主以德彝諂詐不忠。罷遣就舍。德彝以秘策干唐主。唐主悅。拜內史舍人。俄遷侍郎。

隋王世充侵唐穀州。

隋開皇中置大業初改新安郡。唐復爲州。今河南府新安縣是。

王世充以秦叔寶程知節

李密敗後二人皆歸世充。

爲將軍。待之皆

厚。然二人疾世充多詐。知節謂叔寶曰。王公器度淺狹。

多妄語。好咒誓。乃老巫嫗耳。豈撥亂之主乎。至是世充

與唐兵戰于九曲。

城名。在今河南府宜陽縣。水經注洛水自宜陽而東逕九曲南。卽此。王勿

學釋爲鄴州之九曲。誤。

叔寶知節以數十騎西馳百許步。下馬拜

世充曰。荷公殊禮。深思報効。公猜忌信讒。非僕托身之

所。請從此辭。遂降于唐。秦王世民以叔寶爲總管。知節

為統軍。既而世充將李君羨武安人田留安臨邑人羅士信

皆降于唐。士信初從李密擊世充。兵敗為世充所得。世充厚禮之。既而得郇元真等。待之如士信。士

信恥之。故降唐。元真尋為密校將杜才幹所殺。持其首以祭密墓。

唐以楊恭仁隋觀王雄之子為涼州總管。

恭仁素習邊事。曉羌胡情偽。民夷悅服。自蔥嶺以東並

入朝貢。

隋王世充自稱鄭王。加九錫。夏四月。世充稱帝。

初。王世充既殺元。慮人情未附。猶媚事隋主。既而漸

驕橫。不復朝謁。及是。召集文武。議受九錫。參軍戴胄固

諫。世充怒。出為鄭州長史。乃使段達等言于隋主。隋主曰。鄭

公近平李密。已拜太尉。自是以來。未有殊績。俟天下稍平。議之未晚。達曰。太尉欲之。隋主熟視曰。任公。達

御批通鑑輯覽卷之四十一

等遂稱詔進世充爵鄭王加九錫四月世充令長史韋

節等造禪代儀稱隋主命禪位于鄭世充先遣段達等入奏隋主曰天命

不常鄭王功德甚盛願陛下遵唐虞之迹隋主怒曰天命

改何煩禪讓公等或祖禰舊臣或台閣高位既有斯言

朕復何望世充乃幽隋主于含涼殿雖有三表陳讓及

敕書敦勸隋主皆不之知世充遂備法駕入宮即皇帝位奉隋主為

潞國公納言蘇威年老不任朝謁世充以威隋代重臣

日扶威置百官之上然後南面正坐受之既受禮以威

為太師又以陸德明為其子漢王元恕師令元恕就德

明家行束脩禮德明恥之故服巴豆散對之遺

利竟不與語陸德明名元則以字行吳人

夏王建德立楊政道為鄭公

建德初結好于王世充及聞世充自立乃絕之始建天

子旌旗出入警蹕王隋齊王暕遺腹子政道為鄭公然

猶倚突厥以壯兵勢。隋義威公主遣使迎蕭后。建德遣之。又傳字文化及首以獻公主。已而突厥立政道為隋王。居定襄。

唐遣安興貴襲執涼王軌以歸。殺之。河西平。

先是唐冊使至涼州。軌欲去帝號。受唐爵。曹珍請依蕭

警事魏故事。軌乃遣鄧曉奉書稱皇從弟大涼皇帝。臣

軌。唐主怒。乃遣吐谷渾伐之。隋煬帝征吐谷渾。可汗伏允奔党項。煬帝立其質子

順為主。不果入。會中國亂。伏允收還故地。唐主與之連和。許以順還之。伏允喜。起兵擊軌。數遣使入貢請順。唐

主遣至是。軌將安修仁之兄興貴仕長安。表請說軌。唐

主曰。軌豈口舌所能下。興貴曰。臣家在涼州。奕世豪望。

為民夷所附。弟修仁又軌所信任。軌聽臣固善。不聽則

圖之。唐主乃遣之。興貴至。乘間說軌以竇融故事。軌不

鄧曉舞蹈稱慶唐主以天
譴責之是矣然修仁為軌
信任之臣軌爾倒戈相向
其不忠孰甚焉一則廢之
終身一則爵以顯其爵
之公安在

聽興貴乃與修仁結諸胡起兵擊軌軌敗被執河西平。
鄧曉在長安舞蹈稱慶唐主曰汝為使臣聞國亡軌至
而不戚既不忠于軌其肯為朕用乎遂廢之終身軌至
長安斬于西市。軌自起至唐主以興貴修仁為左右武
侯大將軍。

五月鄭王王世充弑隋主侗。

世充以裴仁基行儼

李密敗後仁基父子為世充所有獲仁基為尚書行儼為大將軍有

威名忌之仁基父子知之亦不自安乃與尚書左丞宇

文儒童等謀殺世充復立隋主事泄皆夷三族世充之

兄世暉曰儒童等謀反正為隋主尚在故也不如早除

之世充遣人酖之隋主請與太后訣不許乃布席禮佛

曰願自今以往不復生帝王家飲藥不能絕以帛縊殺

之。諡曰恭皇帝。

秋七月。唐置十二軍。

置十二軍。分統關內諸府。皆取天星為名。初析關中為十二道。萬年

道為參旗軍。長安道為鼓旗軍。富平道為元戎軍。醴泉

道為井鉞軍。同州道為羽林軍。華州道為騎官軍。西麟

道為苑游軍。寧州道為折威軍。岐州道為平道軍。幽每

州道為招搖軍。涇州道為天紀軍。宜州道為天節軍。

軍將副各一人。督以耕戰之務。由是士馬精彊。所向無

敵。後武德六年。十二軍俱廢。尋又復之。

西突厥遣使入貢于唐。

初。西突厥曷娑那可汗入隋。前國人立其叔父號射

匱可汗。達頭可汗之孫。射匱既立。拓地東至金山。注見前。西至海。

即今大遂與北突厥為敵。建庭于龜茲北三彌山。射匱

西洋。

卒。弟統葉護可汗立。統葉護勇而有謀。北并鐵勒。控弦

數十萬。據烏孫故地。又移庭于石國。

胡三省注。康居支度之分。治柘析城。

漢時大宛北鄙。

北千泉。

其地有雪山。多泉。故名。

西域諸國皆臣之。統葉護

各遣吐屯。

注見前。

監之。督其征賦。至是入貢于唐。

八月。唐鄯公薨。

諡曰隋恭帝。

唐殺其民部尚書劉文靜。

文靜自以才畧功勲在裴寂之右。而位居其下。意甚不

平。數侵侮寂。由是有隙。文靜家數有妖。弟文起召巫厭

勝。文靜有妾無寵。使其兄上變告之。唐主以文靜屬吏。

遣寂問狀。秦王世民固請曰。皆在晉陽。文靜先建非常

之策。始告寂知。及克京城。任遇懸隔。今文靜觖望。則有

之。非敢謀反。叔曰。文辭才略過人。臣復相險。天下未定。得之必貽後患。唐主辛川叔盡殺之。

沈法興稱梁王于毗陵。李子通稱吳帝于江都。

沈法興稱梁王。都毗陵。性殘忍。專尚威刑。其下離怨。時

杜伏威據歷陽。陳稜據江都。李子通據海陵。俱有窺江

表之心。子通攻江都。克之。稜奔伏威。子通入江都。即帝

位。國號吳。

伏威尋降唐。唐以為和州總管。和州。北齊以歷陽郡置。今州隸江南。

定楊可汗武周。取唐并州。總管裴寂軍潰。齊王元吉奔長

安。

先是武周取唐榆次。

漢縣。歷代因之。今屬山西太原府。

進圍并州。元吉

拒却之。

元吉時守晉陽。

武周又遣宋金剛寇并州。

金剛本易州賊。為竇建德

所敗奔武周。武周號曰宋王。委以軍事。金剛說武周。晉陽南向爭天下。武周使將兵寇并州。自進陷介州。介州隋置。今汾州府介休縣是。唐以裴寂為總管拒之。至是寂為金剛所敗。軍潰。自晉州以北。城鎮皆沒。武周進逼并州。元吉給其參佐。夜攜妻妾奔還長安。武周據太原。遣金剛攻晉州。拔之。進逼絳州。陷龍門。

唐以李綱為太子少保。

初綱以尚書領太子詹事。太子建成始甚禮之。久之漸昵近小人。以秦王世民功高忌之。綱屢諫不聽。乃乞骸骨。唐主罵曰。卿為何潘仁。西域南胡。入司竹。長史乃恥。綱為盜。後歸唐。

為朕尚書邪。綱曰。潘仁賊也。每欲妄殺人。臣諫之則止。為其長史。可以無愧。陛下創業明主。臣所言如水投石。

于太子亦然。臣何敢久汚天臺。辱東朝乎。唐主曰。知公直士。勉留輔吾兒。以爲太子少保。尚書詹事如故。綱復諫太子飲酒無節。及信讒慝。疎骨肉。太子不懌。綱固稱老病辭職。乃解尚書。仍爲少保。唐主嘗考第羣臣。以綱及孫伏伽爲第一。謂裴寂曰。隋以主驕。臣諂。亡天下。朕卽位以來。每虛心求諫。唯綱盡忠。欵伏伽誠直。餘人皆踵弊風。俛首而已。豈朕所望哉。朕視卿如愛子。卿當視朕如慈父。有懷必盡。勿自隱也。冬。定楊將宋金剛取澮州。唐置今平陽府翼城縣是。唐遣秦王世民擊之。

宋金剛取澮州。陷之。軍勢甚銳。唐主欲棄大河以東。謹守關西。秦王世民請曰。太原王業所基。國之根本。河東殷實。京邑所資。若舉而棄之。臣竊憤恨。願假臣精兵三

萬必平殄武周。克復汾晉。唐主于是發關中兵以益世民。使擊武周。

夏王建德克唐黎陽。虜淮安王神通。唐主從弟李世勣降。遂定衛滑齊兗等州。

先是唐以淮安王神通為山東安撫大使。已而竇建德取唐邢。今順德府是。滄。注見前。洛。今廣平府是。相。注見前。等州。神通不

能拒。就世勣于黎陽。建德又取趙州。建德執總管張志昂。慰撫使張道源以其不早降。欲殺之。國子祭酒凌敬曰。大王使高士興拒羅藝于易水。藝纔至。興即降。大王以為何如。建德悟釋之。至是建德進趣衛州。過黎陽二十里。世勣遣騎將邱

孝剛偵之。與建德遇。擊之。建德敗走。其大軍救之。斬孝剛。建德怒。還攻黎陽。克之。虜淮安王神通及世勣父蓋

并魏徵等世勛走免。數日，以父故，還詣建德降。建德使

守黎陽，而以其父為質，以徵為起居舍人，遂徙都洛州。

滑州刺史王軌，奴殺軌，攜其首詣建德降。建德曰：「奴殺主，大逆，立斬之。」反軌首于滑州。吏民感悅，即日降。于是

旁近郡縣及徐圓朗等皆附。唐主遣使與建德修好。建德以淮安王神通等歸之。

唐以夏侯端

壽春人，詳之孫。為秘書監。

初，唐主遣秘書監夏侯端安撫淮左。端傳檄州縣，東至

于海，南至淮，二十餘州皆降。會汴亳降，鄭

王世充狗地至滑臺

汴亳等州降之。還路遂絕。端素得衆心，所從二千人，雖糧盡不

忍委去。從行五日，餒死及遇賊奔潰，唯存五十二人。時

河南之地皆入世充。唯杞州刺史李公逸

雍邱人。

為唐堅

守。遣兵迎端，館給之。世充遣使召端，解衣遺之。除書以

端爲淮南郡公。端對使者焚書毀衣曰：「夏侯端天子大
使，豈受王世充官乎？汝欲吾往，唯取吾首耳。」因解節旄
懷之，置刃于竿，自山中西走，冒踐荆棘，晝夜兼行，得達
宜陽。從者墜崖溺死，爲虎狼所食，又喪其半。端詣闕見
唐主，但謝無功，初不自言艱苦。唐主復以爲秘書監。時
遣大理卿郎楚之安撫山東。楚之爲竇建德所獲，不屈，
竟得還。李公逸守孤城，唐不能救。公逸乃留其屬李善
行守雍邱。身帥輕騎入朝，爲世充所獲。世充謂曰：「卿越
鄭臣唐，其說安在？」公逸曰：「我于天下，唯知有唐。不知有
鄭。世充怒，斬
之。善行亦死。
庚唐武德三年是歲并楚夏定陽梁師都梁
辰銑鄭梁法興吳凡九國定陽梁法興亡。
勣復歸于唐。春正月，李世

李世勣欲歸唐，恐禍及其父，謀于郭孝恪。孝恪曰：「今新

事實氏動則見疑。宜立效以取信。然後可圖也。世勣乃

襲獲嘉。

隋改漢修武縣置。今縣屬河南衛輝府。

擊新鄉。

隋改漢獲嘉縣置。今縣屬衛輝府。

虜世充將劉黑闥。

黑闥。漳南人。少與建德善。王世充嘗竊笑其所為。至是歸建德。署為將軍。

建德由是親世勣。世勣因勸建德取孟海公所據曹戴

二州。遂臨徐兗。以向河南。建德以為然。遣其妻兄曹旦

將兵先渡河。世勣會之。世勣謀俟建德至襲殺之。冀得

其父。并建德土地歸唐。久之。建德不來。世勣次獲嘉。曰

營。聞已有備。乃與郭孝恪數十騎奔唐。

建德遣臣請討世勣。父建德曰。

世勣為唐臣。不忘故國。忠臣也。其父何罪。救之。明年二月。建德克周橋。虜孟海公。

二月。唐改官名。

納言為侍中。內史令為中書令。給事郎為給事中。

夏四月唐秦王世民擊宋金剛破之定楊可汗武周及金剛皆走死

先是世民自龍門渡河屯栢壁栢壁城名在絳州西南與金剛相持

民間聞世民來莫不歸附世民休兵秣馬堅壁不戰惟

令偏裨乘間抄掠永安王孝基等攻賊帥呂崇茂金剛遣其將尉遲敬德尋相救之虜孝基

等將還世民遣殷開山邀之于美良川大破之敬德相

潛引精騎向蒲坂世民自將步騎從間道邀擊又大破

之敬德僅以身免悉俘其衆永安王孝基唐主從父弟尉遲敬德名恭以字行朔州人美良川在絳州東北

諸將咸請戰世民曰金剛懸軍深入兵精將猛利在速

戰我養銳以挫其鋒俟其糧盡自當遁走當待此機未

宜速戰也孝基謀逃歸武周殺之至是金剛食盡北走世民追及

尋相大破之乘勝逐北一晝夜行二百餘里戰數十合

太宗一見敬德即待以至誠始令參列諸營繼且引入臥內雖屈突通屢以為請不稍游移其推心置腹足以感人肺腑宜食報之速也

劉弘基諫世民曰功難成而易敗機難得而易失必乘

此勢取之遂進追及金剛于雀鼠谷一日八戰皆破之

俘斬數萬人世民不食二日軍中止有一羊與將士分

食之引兵趣介休注見前金剛以衆二萬出西門背城布

陳南北七里李世勣與戰小却世民帥精騎擊之出其

陳後金剛大敗尉遲敬德尋相舉介休及永安注亦見前降

世民得敬德喜甚使將其舊衆八千與諸營相參屈突通慮其為變以為言世民不聽劉武周聞

金剛敗大懼棄并州走突厥金剛欲復戰衆莫肯從亦

走突厥世民入并州武周所得州縣皆入于唐未幾武

周謀歸馬邑事泄突厥殺之武周起兵六年而滅金剛謀走上谷

突厥追獲腰斬之武周之南寇也其黨苑君璋諫曰唐主舉一州之衆直取長安所向無敵

此乃天授。非人力也。不如北連突厥。南結唐朝。南面稱孤。足為長策。武周不聽。及敗。泣謂君璋曰。不用公言。以至于此。苑君璋。馬邑人。

五月。唐立老子廟。

晉州人吉善行。自言于羊角山。在今平陽府浮山縣南。見白衣老

父曰。為吾語唐天子。吾而祖也。詔于其地立廟。

秋。七月。唐遣秦王世民督諸軍伐鄭。

唐主詔秦王世民督諸軍擊世充。屈突通二子在洛陽。唐主謂通曰。今欲使

卿東征。如卿二兒何。通曰。臣昔為俘囚。分當就死。陛下釋縛。加以恩禮。當是時。臣心口相誓。期以更生餘年。為

陛下盡節。但恐不獲死所耳。今得備先驅。二兒何足顧乎。唐主歎曰。徇義之士。一至此乎。世民遣行

軍總管史萬寶。自宜陽南據龍門。此伊闕也。俗亦名龍門。劉德威

自太行東圍河內。王君廓并州石艾人。自洛口斷其餉道。黃

屈突通始欲為隋効死。茲復父報唐恩。正猶再醮之婦。守節後夫。終覺顛覆。難言殉義耳。

君漢攻迴洛城。大軍屯于北邙。連營以逼之。世充陳于

民亦置陳當之。世充隔水謂世民曰。唐帝關中鄭帝河

南。世充未嘗西侵。王忽舉兵東來。何也。世民使應之曰。

四海咸仰皇風。惟公獨阻聲教。為此而來。世充曰。相與

息兵講好。不亦善乎。又應之曰。奉詔取東都。不令講好

也。至暮。各引兵還。青城宮。已而世民遣王君廓攻轅

轅。注見。拔之。于是河南州縣相繼降唐。杜才幹以濮州

降。魏陸以榮州降。王雄以陽城。王要漢以汴州。皆來降。

楊慶。隋河間王弘之子。管州。隋以管城縣置。榮州。王

世充以榮陽縣置。管城。榮

陽。及陽城。汴州。注俱見前。世充子元應鎮虎牢。聞諸州

叛。奔還洛陽。許。亳等州。許州。即潁州。亳州。亦降于唐。時

武周降將尋相等。多叛去。諸將疑尉遲敬德囚之。屈突
通。殷開山。言于世民曰。敬德驍勇絕倫。留之恐為後患。
不如殺之。世民曰。敬德若叛。豈在尋相之後耶。遽命釋
之。引入卧內。賜之金曰。丈夫意氣相期。勿以小嫌介意。
必欲去者。以此金相資。表一時共事之情也。世民以五
百騎行戰地。世充帥步騎萬餘猝至。圍之。單雄信引槊

直趣世民。敬德躍馬大呼。橫刺雄信。墜馬。翼世民出圍。更帥騎兵還戰。會屈突通引兵至。世充敗去。世民謂敬德曰。公何相報之速也。自是寵遇日隆。

冬十月。夏王建德圍幽州。高開道遣使降唐。

竇建德圍幽州。李藝告急于高開道。開道帥二千騎救

之。建德兵引去。開道因藝遣使降唐。唐以為蔚州唐置

宣化府。總管。賜姓李氏。封北平郡王。已而建德帥衆二十萬。復攻幽州。兵已擊

堞。薛萬均。萬徹。帥敢死百人。從地道出其背。擊走之。

鄭遣使如夏乞師。

初。王世充侵黎陽。竇建德襲破其殷州。注見前。以報之。自

是二國交惡。信使不通。及唐兵逼洛陽。世充遣使求救

于建德。夏中書侍郎劉彬請解仇救鄭。彬曰。唐得關西。鄭得河南。夏得

彬之書。策雖與項羽擊秦兵以存趙。孫權襲荊州以

敕魏意同然。撥建德之致敗。要不得專委爲救鄭之。外試問建德。卽不救鄭。而唐旣破。世充有不移兵。同夏者哉。其爭持亦不過稽遲歲月而已。故知天命人事。原非可執一論也。

河北共成鼎足之勢。今唐舉兵臨鄭。鄭地日蹙。鄭亡。則夏不能獨立矣。不如解仇除忿。發兵救之。夏擊其外。鄭攻其內。破唐必矣。唐師旣退。徐觀其變。若鄭可取。則取之。併二國之兵。乘唐師之老。天下可取也。建德從之。

十二月。吳主子通敗梁兵。取京口。杜伏威擊之。子通敗走。襲梁。梁王法興走死。

李子通渡江。攻沈法興。取京口。法興敗走吳郡。于是丹陽。毘陵等郡。皆降于子通。杜伏威遣輔公祏攻之。子通大敗。棄江都。保京口。江西之地。盡入于伏威。伏威徙居丹陽。子通復東走太湖。收合亡散。得二萬人。襲沈法興于吳郡。大破之。法興赴江溺死。法興起事三年而滅。子通軍勢復振。帥其羣臣。徙都餘杭。盡取法興之地。北自太湖。南至

嶺東包會稽西距宣城皆有之。

辛唐武德四年是歲夏鄭梁銑已吳亡并楚梁師都凡三國春二月唐以趙郡王孝恭

為夔州唐以巴東郡置今為府屬四川總管李靖為行軍總管。

先是唐主遣開府李靖詣夔州經畧蕭銑靖至峽州梁本

宜州後周更名今湖北宜昌府是阻銑兵不得進唐主敕峽州刺史許

紹字嗣宗安陸人斬之紹惜其才為之奏請得免已而唐峽州

兵伐梁拔荆門鎮在荊州府宜都縣以荆門山名黔州後周置今四川黔彭廳彭水縣

是兵伐梁又拔其五州四鎮至是靖說孝恭攻取蕭銑

十策孝恭上之詔以孝恭為夔州總管使人造舟艦習

水戰以靖為行軍總管委以軍事靖說孝恭悉召巴蜀

酋長子弟量才授任置之左右外示引擢實以為質蕭銑

性猜忌。大將軍董景珍弟謀作亂。事泄伏誅。景珍據長沙郡。降唐。銑遣張繡討之。景珍爲部下所殺。繡恃功驕恣。銑又殺之。由是諸將皆離心。其勢益弱。

唐秦王世民敗鄭主世充于穀水。注見前。進圍洛陽。

世民奏請唐主進圍東都。移軍青城。卽青城宮。壁壘未立。王

世充帥衆二萬臨穀水以拒之。諸將皆懼。世民曰。賊勢窘矣。悉衆而出。邀幸一戰。今日破之。後不敢復出矣。命屈突通率步卒五千渡水擊之。兵交。世民引騎南下。身先士卒。與通合勢。衆殊死戰。散而復合者數四。自辰至午。世充兵始退。世民縱兵乘之。直抵城下。遂圍之。城中守禦甚嚴。世民四面攻之。旬餘不能克。將士皆疲敝。思歸。總管劉弘基請班師。世民曰。東方諸州已望風歛服。

兵薄嚴城攻圍不下久且人生倦心稍叅疑沮之見鮮有不隳于垂成者太宗既申命軍中以堅衆志雖密敕不敢曲從遂爾執俘克捷有料敵之明而復成于能斷非漫然徇將在外不受君命之說也

洛陽孤城勢不能久功在垂成奈何棄之乃下令軍中

曰敢言班師者斬衆乃不敢復言唐主亦密敕世民使還世民遣封德彝言

于唐主曰世充號令所行一城而已智盡力窮克在朝

久若旋師賊勢復振後必難圖唐主從之世民又遣王君廓夜襲虎牢拔之

突厥寇唐汾陰注見前

突厥頡利可汗始畢可汗之弟始畢卒弟處羅可汗立處羅卒弟頡利立土馬雄盛

有憑陵中國之志王世充使人說之曰昔啓民奔隋賴

文帝之力有此土宇子孫享之今唐天子非文帝子孫

宜奉揚政道伐之以報文帝之德頡利然之唐主以中

國未寧待突厥甚厚而頡利求請無厭言辭驕慢至是

寇汾陰已而唐主遣使賂頡利并許結婚頡利乃遣使如唐未幾頡利帥騎十五萬入雁門寇并州唐

上遣襄邑王神符等擊破之。乃遣鄭元璿詣頡利。責以負約。頡利頗然。元璿因說之還師。修好。頡利悅。遂引兵還。襄邑王神符等從弟鄭元璿譯之子。

夏王建德將兵救鄭。夏五月。唐秦王世民大破擒之。鄭主世充降。

唐兵圍洛陽。掘塹築壘而守之。城中乏食。死者相倚于道。寶建德悉發其衆西救洛陽。陷管州及滎陽。陽翟等縣。水陸並進。兵十餘萬。軍于成臯之東原。遣使與王世充相聞。先是建德遺秦王世民書。請退軍潼關。返鄭侵地。復修前好。世民不許。世民集將佐議。皆請避其鋒。郭孝恪曰。世充窮蹙。垂將面縛。建德遠來助之。世天意欲兩亡之也。宜據武牢以拒之。伺間而動。破之必矣。記室薛收曰。世充府庫充實。所將皆江淮精銳。但乏糧食。故爲我持。建德自將遠來。亦當極其精銳。若縱之至此。兩寇合從。轉河北之粟以饋洛陽。

鄭未滅而夏復來設退避
二鋒將兩寇合從在難措

手矣非秦王英斷其不為
烈秦室所敗者幾希

之頃以凌敬之策雖善而
不普滿坂非不戰所能下
老延引日月世充破而建

世民自武牢

卷之四

三

則戰爭方始。混一無期。今宜分兵守洛陽。深溝高壘。勿
與戰。大王親率驍銳。先據成臯。以逸待勞。決可克也。建
德既破。世充自下。不過二旬。兩王就縛矣。世民善之。蕭
瑒屈突通封德彝皆欲退保新安。以乘其弊。世民曰。建
德遠來。吾據武牢扼其咽喉。彼若爭鋒。取之甚易。若其
不戰。旬月之間。世充自潰。一舉兩克。在此行也。若不速
進。賊入武牢。諸城新附。必不能守。兩賊併力。其勢必彊。
何弊之乘。吾計決矣。薛收字伯褒。道衡子。武牢即虎
牢。唐避諱。乃中分麾下。使屈突通等副齊王守東都。世
民自將驍勇東趣武牢。正晝出兵。歷北邙抵河陽。趨鞏。
世充莫測。竟不敢出。世民遂入武牢。世民將驍騎五百
分留使李世勣程知節秦叔寶將之。伏于道旁。纔餘四
騎。偕進。去建德營三里。所建德遊兵遇之。世民大呼曰。
我秦王也。引弓射之。斃其一將。建德大驚。出五六千騎
逐之。世民按轡徐行。追騎將至。則射之。止而復來。如是
再三。世民遙巡。稍却。以誘之。建德迫于武牢。累月不得
既人伏。世勣等奮擊大破之。進戰數不利。將士思歸。世民又遣王君廓將輕騎千餘。

德仍不免于亡此老生常
談耳使建德是時果集兵
向秦如孫臏之直趣大梁
未必不足以奪洛陽城下
諸軍之氣特爲諸將所惑
一戰被擒所謂神昧賞幾
非天奪其魄者歟

掠其糧運。凌敬言于建德曰。大王宜悉兵濟河。攻懷州。河陽。遂建旗鼓踰太行。入上黨。徇汾晉。趣蒲津。拓地收兵。則關中震懼。鄭圍自解。建德將從之。而世充遣使告急。又陰以金玉啗建德諸將。諸將皆欲戰。建德乃謝敬。其妻曹氏曰。祭酒之言。不可違也。建德不聽。五月建德悉衆出牛口。名峪。在開封府汜水縣西北。置陳亘二十里。鼓行而進。諸將皆懼。世民升高望之。謂諸將曰。賊起山東。未嘗見大敵。今度險而鬪。是無紀律。逼城而陳。有輕我心。我按兵不出。彼勇氣自衰。陳久卒饑。勢將自退。追而擊之。無不克矣。建德列陳。自辰至午。士卒饑倦。逡巡欲退。世民命宇文士及將三百騎。經建德陳西。馳而南上。建德陳動。世民曰。可擊矣。世民率輕騎先進。大軍繼之。直薄其陳。建德方朝羣臣。召騎兵使拒唐。兵阻朝者不得過。建德揮朝者令退。

進退之間。唐兵已至。于是大戰。世民帥史大奈

西突厥特勒

程知節。秦叔寶等。卷旆而入。出于陳後。張唐旗幟。建德

將士見之。大潰。建德中。槊墜馬車。騎將軍楊武威擒之。

世民讓之曰。我討世充。何預汝事。建德曰。今不自來。恐煩遠取。建德起兵至滅。凡六年。建德將士

皆潰去。俘獲五萬人。世民即日散遣。使還鄉里。遂囚建

德。至洛陽城下。以示世充。世充乃素服。帥其子及羣臣

三千餘人。詣軍門降。世充篡凡三年滅。于是部分諸軍。先入洛

陽。分守市肆。禁止侵掠。無敢犯者。世民乃入宮城。命房

元齡收隋圖籍制誥。已爲世充所毀。命蕭瑀等封府庫。

收其金帛。頒賜將士。收段達。單雄信等十餘人。斬之。

世民

坐間闔門。蘇威請見。稱老病不能拜。世民遣人數之曰。公隋室宰相。危不能扶。使君弑國亡。見李密。王世充皆

世充建德僭竊相國
充尚餘篡弒之罪乃赦
一誅輕重倒置矣

拜伏舞蹈今既老病何勞相見世民觀隋宮殿歎曰逞侈心窮人力欲

無亡得乎命撤端門樓焚乾陽殿毀則天門闕諸道

場建德餘眾走至洛州欲立建德養子為主徵兵以拒

唐僕射齊善行曰夏王英武士馬情強一朝為擒

如反掌豈非天命有所屬耶今喪敗如此必無所成不

若委心請命于唐乃與裴矩曹旦帥百官奉建德妻曹

氏及傳國八璽請降于唐王世充弟世辯亦以徐未等

三十八州請降淮安王神通又徇下山東三十餘州

世充建德之地悉平世民還長安獻俘太廟赦世充斬

建德詔赦世充為庶人徙蜀定州刺史獨孤修德以其

免修德官獨孤機事見前

秋七月唐以蘇世長武功人為諫議大夫

王世充僕射蘇世長以襄州來降唐主與之有舊既至

長安以為諫議大夫世長嘗從校獵高陵大獲禽獸唐主曰今日樂乎世長曰不滿十旬

御批歷代通鑑輯覽

卷之四十九

三

未足為樂。唐主變色。既而笑曰。狂態復發邪。對曰。臣則狂于陛下甚忠。嘗侍宴披香殿。酒酣。謂唐主曰。此殿煬帝之所為邪。唐主曰。卿諫似直。而實多詐。豈不知此殿朕之所為乎。對曰。臣實不知。但見其華侈。非興王之所為耳。昔侍陛下于武功。見所居宅。僅庇風雨。當時亦以為足。今因隋之官室。已極侈矣。而又增之。將何以矯其失乎。唐主深然之。

唐初行開元通寶錢。

隋末錢幣濫薄。至裁皮糊紙為之。民間不勝其弊。至是。

初行開元通寶錢。徑八分。重二銖四綮。十銖為一銖。十綮為一銖。積十

錢重一兩。輕重大小。最為折衷。遠近便之。置監于洛。并

王世民。齊王元吉。賜三鑪。裴寂賜鑪。聽鑄錢。餘盜鑄者。身死家沒。

竇建德故將劉黑闥起兵漳南。

竇建德諸將居間里。暴橫為民患。唐官吏以法繩之。皆

驚懼不安。會詔悉徵建德故將。于是范願、高雅賢等相謂曰：「王世充以洛陽降唐。其將相大臣皆夷滅。吾屬至長安。必不免矣。且夏王得淮安王。遇以客禮。唐得夏王。卽殺之。吾屬皆爲夏王所厚。今不爲之報仇。無以見天下之士。乃謀作亂。」卜之以劉氏爲主。吉。因相與之漳南。見建德故將劉雅。雅曰：「天下適安定。吾將老于耕桑。不願復起兵。衆怒殺之。故漢東公劉黑闥屏居漳南。諸將詣之。告以其謀。黑闥方種蔬。卽殺耕牛。與之飲食。定計聚衆。襲縣據之。旣又陷劒縣。建德舊黨稍出歸之。乃爲壇于漳南。祭建德。告以舉兵之意。自稱大將軍。唐主詔將軍秦武通定州總管李元通藍田人擊之。又詔李藝引

兵會擊。

八月丙戌朔日食。

唐徐圓朗以兵應劉黑闥。

圓朗初附李密。密敗。歸竇建德。唐平洛陽。圓朗請降。授
兗州總管。會劉黑闥兵起。圓朗應之。自稱魯王。

唐蠲太常樂工爲民。

詔以太常樂工。皆前代因罪配沒。子孫相承。多歷年所。
並蠲爲民。且令執事。若仕宦入流。從九品以上勿更追
集。

冬十月。唐以秦王世民爲天策上將。

唐主以秦王世民功大。前代官皆不足以稱之。特置天

策上將。位在王公上。以世民為之。開府置屬。世民以海

內浸平。乃開館以延文學之士。杜如晦。房元齡。虞世南

褚亮。姚思廉。李元道。隴西人。蔡允恭。江陵人。薛元敬。收從子。顏

相時。字睿。師古弟。蘇勗。字慎行。武功人。于志寧。蘇世長。薛收。李守素。

趙州人。陸德明。孔穎達。字仲達。衡水人。蓋文達。信都人。許敬宗。字延族。善

心之。為文學館學士。分為三番。更日直宿。世民暇日。輒

至館中。討論文籍。或至夜分。使庫直間立本。京兆萬年人。圖

像。褚亮為贊。號十八學士。士大夫得預其選者。時人謂

之登瀛洲。時府僚多補外官。如晦亦出為陝州長史。元

晦不可。世民即奏留之。使參謀帷幄。軍中多事。如晦剖

決如流。世民每克城。諸將爭取寶貨。元齡獨收采人物

唐使趙郡王孝恭李靖伐梁梁主銑降。

唐發巴蜀兵以孝恭李靖統之自夔州東擊蕭銑。

時峽江方

漲諸將請俟水落靖曰兵貴神速今吾乘江漲掩其不備可成擒也孝恭乃東下銑果不為備孝恭等

拔其荊門宜都。

注俱見前。

二鎮進至夷陵入北江。

江水至枝江縣百里

洲分而為二其出洲北而東流者謂之北江。

銑以罷兵營農宿衛纔數千人。

聞唐兵至倉猝徵兵未集乃悉出見兵拒戰孝恭逆擊

敗走銑眾委舟收掠軍資靖見其眾亂縱兵奮擊大破

之乘勝直抵江陵入其外郭大獲舟艦靖使散之江中。

諸將皆曰破敵所獲當藉其用奈何棄之靖曰吾懸軍深入若攻城未拔援兵四集吾表裏受敵進退不獲雖有舟楫將安用之今棄舟艦使塞江而下援兵見之必謂江陵已破未敢輕進往來覘伺動淹旬月吾必取之矣。

援兵見舟艦疑不敢進遂圍江陵銑內外阻絕問策

唐學割據諸雄擒則無赦
若薛仁果實建德輩其人
固非能終爲人下者卽銑
之由降情哀詞迫而迄難
逃都市之戮蓋以絕人望
而靖亂源勢固不得不爾
所謂謀大事者不顧小信

于岑文本。文本勸銑降。銑謂羣臣曰。天不祚梁。不可復

支矣。必待力屈。則百姓蒙患。奈何以我之故。陷百姓于

塗炭乎。以太牢告廟。下令出降。守城者皆哭。銑帥羣臣

總縗布幘。詣軍門曰。當死者唯銑耳。百姓無罪。願不殺

掠。孝恭入城。諸將欲大掠。岑文本曰。江南之民。遭隋虐

歸命。庶幾有所息肩。今若縱兵俘掠。士民失望。恐自此

以南。無復向化之心矣。孝恭稱善。遽禁止之。諸將又言

梁將帥拒鬪死者。請籍其家。以賞將士。靖曰。王者之師

宜使義聲先路。彼爲其主鬪死。乃忠臣也。豈可同之叛

逆之科乎。于是城中安堵。秋毫無犯。南方州縣聞之。皆望風款附。

孝恭送銑長安。斬于都市。銑建國凡五年而滅。以孝恭爲荊州總管。靖爲上柱國。安撫

嶺南。先是。銑遣劉洎畧地嶺表。得五十餘城。未還而銑

總管李襲志。帥所得城來降。靖旣度嶺。所至皆下。銑桂州

得戶六十餘萬。

劉洎。字師道。江陵人。李襲志。字重光。

曹世充雖一時蒙貸而終
為特修德所戕又安知
非明以猜誅全秦王許以
不死之言而陰授其指于
修德歟

金城安
唐入。

十一月唐杜伏威擊李子通執送長安。

伏威遣其將王雄誕

曹州濟陰人。

擊子通子通窮蹙請降伏

威執送長安。

子通僭號七年而亡。

唐主釋之。

時新安汪華據歙。歙人遂安據崑山。伏

威皆降之。于是盡有淮南江東之地。華後歸唐為總

管。歙。歙皆漢縣。今歙縣為徽州府治。歙縣屬府。

高開道叛唐復稱燕王。

幽州饑李藝告糴于高開道許之藝發三千人車數百

乘馬千匹往受粟開道悉留之告絕于藝復稱燕王北

連突厥南與劉黑闥相結恒定幽易咸被其患

久之開道復欲

歸唐未果為其將張金樹所殺開道起兵凡八年而滅唐以其地置媯州。

唐媯州今宣化府懷來縣是

十二月唐命秦王世民齊王元吉擊劉黑闥

初黑闥擊破淮安王神通。神通與李藝合兵擊黑闥。反為所敗。藝歸幽州。黑闥移書

趙魏竇建德故將。殺唐官吏以應之。已而又破定州。執總管李元通。黑闥

欲降元通。元通不屈。故吏有餽以酒肉者。元通飲醉。給守者刀自刺。潰腹而死。李世勣走保洺

州。黑闥復追破之。半歲之間。盡復建德舊境。遣使北連

突厥。將軍秦武通。程名振。洺州平恩人。等皆自河北遁歸長

安。乃命秦王世民。齊王元吉討之。

王唐武德五年。漢東王劉黑闥天造。春正月。劉黑闥自稱

午元年。是歲楚亡。并梁師都。凡三國。漢東王。三月。唐秦王世民破之于洺水。黑闥奔突厥。

黑闥稱王。改元都洺州。竇建德時文武悉復本位。其設法行政。悉師建德。而攻戰勇決。

過之。三月。世民進軍洺水上。以逼之。李藝以兵數萬來會。

黑闥使其僕射范願守洺州。自將兵拒藝。程名振載鼓

六十具於城西堤上急擊之城。中地皆震動。范願馳告

黑闥。黑闥遽還。遣兵擊藝于鼓城。

隋縣。今正定府晉州是。

大敗。

洛水。

人據城來降。世民遣王君廓守之。黑闥引兵還攻其急。世民三引兵救之。不得進。恐君廓不能守。行軍總管羅士信請代君廓守之。世民登城西南高冢。以旗招君廓。君廓率其徒力戰。潰圍而出。士信乘之入城。黑闥晝夜急攻。會大雪。救兵不得往。凡八月。城陷。黑闥素聞士信勇。欲生之。士信辭色不屈。乃殺之。
今廣平府曲周縣。世民與藝營于洛水之南。黑闥數挑戰。世民

堅壁不應。李世勣擊斬黑闥將高雅賢。程名振又邀截其運糧。相持六十餘日。世民度黑闥糧盡。必來決戰。乃使人堰洛水上流。黑闥果帥步騎二萬南度洛水。壓唐營而陳。世民自將騎擊破之。黑闥率眾殊死戰。自午至昏。戰數合。黑闥勢不能支。遂先遁。餘眾不知。猶格戰。

守吏決塘水六王衆遂潰黑闥與范願等奔突厥山東
悉平

秋七月唐秦王世民擊徐圓則杜伏威入剽于唐

秦王世民擊徐圓則下餘城聲振淮泗杜伏威懼遂

請入朝世民以淮濱畧定使淮安王神通及任瓌李世

勣攻圓則自引兵還已而圓則棄城夜亡爲野人所殺

李神通聞杜伏威入朝欲往收其衆遂亡走至藍田爲吏所獲伏誅

隋漢陽太守馮盎降唐

初盎以漢陽太守從隋煬帝征遼東及隋亂奔還嶺表

據有其地或說盎宜效趙佗稱王盎曰吾家居此爲救伯者五世富貴極矣常懼不克負荷爲先人

羞敢效佗乎至是承李靖檄以所部降唐嶺南悉平

後北齊書卷之四十九

十月楚主林士弘卒。

初士弘為蕭銑所逼退保餘干。

本漢餘干縣屬江西饒州府

及銑敗散卒多歸之軍勢復振至是士弘卒其眾遂散

士弘僭號七年而亡

十一月唐遣太子建成擊劉黑闥

黑闥既奔突厥引突厥寇山東又寇定州唐遣齊王元

吉擊之淮陽王道元

唐主

將兵三萬與黑闥戰敗沒

與副將史萬寶不協帥輕騎犯陳萬寶擁兵不進故敗時年十九秦王世民深惜之曰王道元嘗從吾征伐見吾深入賊陳心常效之山東震駭黑闥盡復故地進據洛

州元吉不敢進太子建成請行故遣

太子中允王珪洗馬魏徵說太子曰

奉王功蓋天下中外歸心殿下但以年長居東宮無大功日負服海內今劉黑闥敗亡之餘眾不滿萬殿下宜

自擊之以取功名。庶可自安。于是太子請行。初唐主之起兵晉陽也。皆秦王世民之謀。唐主謂世民曰。事成當以汝爲太子。將佐亦以爲請。世民固辭而止。太子喜。酒色遊畋。齊王多過失。皆無寵。世民功名日盛。建成內不自安。乃與元吉協謀。共傾世民。曲意事諸妃嬪。以求媚于上。世民獨不事之。由是諸妃嬪爭譽建成。元吉而短世民。世民每侍宴。思太穆皇后早終。不得見唐主。有天。或流涕。唐主不樂。諸妃嬪曰。陛下春秋高。宜相娛樂。而秦王如此。正是憎妾等。陛下萬歲後。妾子母必無子遺。皇太子仁孝。必能保全妾等。唐主爲之愴然。由是無易太子意。時世民元吉皆居別殿。與上臺東宮。晝夜通行。無復禁限。相遇如家人禮。太子令秦齊王教與詔敕並行。有司莫知所從。唯據得之先後爲定。世民以淮安王神通有功。給田數十頃。張婕妤好求之。手敕賜之。神通以教給在先。不與。婕妤好訴于唐主。唐主怒。以責世民。復謂裴寂曰。此兒久典兵在外。爲書生所教。非復昔日子也。王珪字。

叔玠。郢人。

癸唐武德六年。是歲漢春正月。漢東將諸葛德威執其未東亡。并梁師都。凡二國。君里闐降唐。唐斬之。

先是唐太子建成兵至昌樂

漢縣唐以南樂今屬大名府

黑闥亡走

魏徵曰

前破黑闥其將帥皆懸名處死故其眾皆為之盡力今宜悉解其俘囚慰諭遣之則可坐視其離散矣

太子從之黑闥食盡眾多降黑闥與數百騎遁去

太子遣騎將劉宏基追之至

饒陽黑闥所署刺史諸葛德威出迎饋之食未畢勒兵

執之送詣太子斬于洺州

黑闥臨刑嘆曰我幸在家鋤莽為高雅賢輩所誤至此

林邑遣使入貢于唐

初隋破林邑分其地為三郡及中原喪亂林邑復國至

是始入貢

幽州總管李藝入朝于唐

藝入朝唐以為左翊衛大將軍

後貞觀元年藝反將奔突厥為其下所殺

夏六月苑君璋奔突厥高滿政以馬邑降唐

初突厥既殺劉武周。以苑君璋代統其衆。居馬邑。馬邑人多不願屬突厥。君璋將高滿政。因衆心不欲。夜襲君璋。君璋奔突厥。引之入寇。滿政破之。降唐。唐以爲朔州總管。已而突厥圍馬邑。都虞候杜士遠殺滿政。以馬邑降突厥。會突厥請和親。乃以馬邑歸唐。

秋八月。唐淮南道行臺僕射輔公祏反。

初杜伏威降唐。唐以輔公祏爲淮南道行臺僕射。

伏威素與

公祏友善。兄事之。軍中謂之伯父。畏敬與伏威等。已而伏威浸忌之。潛奪其兵權。公祏知之。陽爲學道。辟穀以自及伏威入朝。留公祏守丹陽。令王雄誕典兵爲之副。公祏詐雄誕奪其兵。諭以反計。雄誕曰。今天下方平定。吳王在京師。奈何無故自求族滅乎。公祏殺之。詭稱伏

水變為血事本不經且安知非諸將心有畏怯設此詭謀以沮討逆之師邪孝恭處以靜鎮一舉而公福授首深得見怪不怪之道被在坐失色者能無內慙

不刊唐史通鑑事覽

卷之四十九

三

威貽書令其起兵尋稱帝于丹陽國號宋唐主詔趙郡

王孝恭李靖等討之

孝恭將發與諸將宴集命取水忽變為血在坐皆失色孝恭舉止自

若曰此乃公福授首之徵也飲而盡之眾皆悅服

明年孝恭李靖攻克丹陽斬

公福傳首長安

公福之反也與唐洪州總管張善安連兵善安故兗州賊帥降唐授總管已而

復叛唐遣安撫使涇陽李大亮討之善安委罪諸將請降大亮執送長安赦其罪及公福敗得所與往還書乃

殺之

考隋自王薄倡亂四方並起僭竊位號割據州郡凡一百三十餘人至唐武德七年始俱翦滅唯梁師

都至貞觀二年乃亡今自大業七年以後錄其尤著者各具起滅餘或因事附見不備載再綱目于武德七年

以後梁師都亦不附注歲首今依之

唐置屯田于并州

突厥數為邊患并州長史竇靜

字元休抗之子

表請于太原置

屯田以省餽運議者以為煩擾靜切論不已徵靜入朝

與裴寂等相問難于唐主前寂等不能屈乃從靜議歲
收穀數千斛秦王復請增置屯田于并州之境從之

EAST ASIAN LIBRARY
UNIVERSITY OF TORONTO LIBRARY

名我乃个金車寶

卷之四十一

三

御批歷代通鑑輯覽卷之五十

唐起高祖武德元年戊寅至昭宣帝天祐四年丁卯凡二十帝十六世內附武后二十一年共二百九十年

高祖神堯皇帝

帝姓李氏名淵字叔德隴西成紀人西涼武昭王暠七

世孫祖虎仕西魏賜姓大野氏與李弼等八人佐周代魏有功皆為柱國號八

柱國父昺周世封唐公周代魏虎已卒追錄其功封唐公使昺襲帝生于長

安日角龍庭體有三乳隋初襲父爵大業末為太原留守會隋亂

起兵入關代隋稱帝因始封國建號曰唐遂平羣雄而一天下

甲申武德七年綱目于是年以諸僭國已盡唯梁師都北附突厥乃正唐統特用大書今依之

春正月置大中正

依周齊舊制外置中正一人掌知州內人物品量望第

以門望高者領之。無品秩。

二月封高麗王建武

元之子

爲遼東王。

帝以隋末戰士多没于高麗。賜建武書。令悉遣還。乃索高麗人在中國者歸之。建武奉詔遣還。前後萬數。又請頒歷。乃遣使冊封之。

置州縣鄉學。

詔州縣鄉皆置學。有明一經以上者。咸以名聞。

帝詣國子學。釋奠于先聖先師。

詔王公子弟皆就學。

三月初定官制。

以太尉。司徒。司空爲三公。次尚書門下。中書。秘書。殿中。

內侍為六省。次御史臺。次太常。至太府為九寺。太常。光祿。衛尉。

宗正。太僕。大理。鴻臚。司農。太府。凡九寺。次將作監。次國子學。次天策上將。

府。次左右衛。至左右領衛為十四衛。親。勳。翊。驍。武。威。及領軍。各衛皆有左。

右。凡十四。東宮置三師。太師。太傅。太保。三少。少師。少傅。少保。詹事及兩坊。門。

典。書。三寺。家令。率更。僕。十率府。左右衛率。左右宗衛率。左右虞候率。左右監門率。左右內率。

王公置府佐國官。公主置邑司。並為京職事官。州縣鎮

成為外職事官。自開府儀同三司至將仕郎二十八階。

從一品至正四品六階。從四品至從九品。正。為文散官。

從。皆有上下。凡二十二階。共為二十八階。驃騎大將軍至陪戎副尉三十一階。從一品至從二品。三階。正三品至從

九品。正。從。皆有上下。凡二十八階。共為三十一階。為武散官。上柱國至武騎尉

十二等。十二轉上柱國。十一轉柱國。十轉上護軍。九轉護軍。八轉上輕車都尉。七轉輕車都尉。六轉上

新唐書卷之五十一

騎都尉五轉騎都尉四轉驍騎尉三轉飛騎尉二轉雲騎尉一轉武騎尉為勳官。

夏四月頒新律令。

比開皇舊制增新格五十三條。

初定均田租庸調法。前已定租庸調法今因均田而又定之。

丁中之民。謂十六以上。給田一頃。篤疾減什之六。寡妻妾減

七。皆以什之二為世業。八為口分。每丁歲入租粟二石。

新唐志丁歲輸粟二斛。稻三斛。謂之租。調隨土地所宜。綾絹純。式支反。絲經。泉緯曰。

布。新唐志隨鄉所出。絹二疋。綾純二丈。布加五之一。絳三兩。麻三斤。非蠶鄉則輸銀十四兩。歲役

二旬。不役則收其傭。日三尺。新唐志用人之力。歲二十日。閏加二日。不役者日為

絹三有事而加役者。旬有五。日免其調。三旬租調俱免。

水旱蟲霜為災。什損四以上。免租。損六以上。免調。損七

均田蓋仿井田遺意。然每丁各給一頃。生齒繁衍。時地將何出。且歲造計帳。子奪紛更。徒滋擾耳。宜乎法創不久。尋即廢格也。

以上課役俱免。凡民貲業分九等。百戶爲里。五里爲鄉。四家爲鄰。四鄰爲保。在城邑者爲坊。田野者爲村。食祿之家。無得與民爭利。工商雜類。無預士伍。男女始生。爲黃。四歲爲小。十六爲中。二十爲丁。六十爲老。歲造計帳。三年造戶籍。

六月。慶州

卽弘化郡。唐仍爲州。注見前。

都督楊文幹反。遣秦王世民討

平之。

初。齊王元吉勸太子建成除秦王世民。曰。當爲兄手刃之。世民從。上幸元吉第。元吉伏甲欲刺之。建成止之。元吉慍曰。爲兄計耳。于我何有。建成擅募驍勇二千餘人。爲東宮衛士。發幽州突驍三百。置宮東諸坊。慶州都督

楊文幹嘗宿衛東宮。建成與之親厚。私使募壯士送長

安。至是。上幸仁智宮。

新唐志坊州宜君縣有仁智宮。武德七年置。

建成居守。

世民。元吉。皆從。建成使元吉就圖世民。又使郎將以甲

遺文幹。使之舉兵。表裏相應。郎將至中途告變。上怒。召

建成。建成懼不敢赴。詹事主簿趙弘智。

河南新安人。

勸其貶

損車服。屏從者。詣上謝罪。建成乃詣仁智宮。見上叩頭

謝罪。奮身自擲。上怒不解。置之幕下。以兵守之。馳召文

幹。文幹遂發兵反。上召秦王世民告之曰。文幹事連建

成。恐應之者衆。汝宜自行。還立汝爲太子。吾不能效隋

文帝。自誅其子。當封建成爲蜀王。蜀兵脆弱。他日苟能

事汝。汝宜全之。不能事汝。汝取之易耳。世民旣行。元吉

竊無卓識。況古而立建。成即當有以處世民。及至文幹通謀事發。已許廢建。成而立世民矣。顧乃外惑佞臣。內牽嬖妾。薄忍釀禍。謹執其咎哉。

與妃嬪更迭為建成請封德彝復為營解于外。上意遂

變遣建成還守京師。惟責以兄弟不睦歸罪于王珪韋

挺。

沖之杜淹並流雋州。

即漢越雋郡。注見前。

文幹陷寧州。

西魏置隋大業

中。收北地郡。唐仍為州。今屬甘肅慶陽府。

世民軍至其黨殺之。傳首京師。

秋閏七月突厥入寇。遣秦王世民將兵禦之。

或說上曰。突厥所以屢寇關中者。以子女玉帛皆在長

安故也。若焚長安而不都。則胡寇自息矣。上欲從之。秦

王世民諫曰。戎狄為患自古有之。奈何為此以貽四海

羞。願假數年之期。臣請繫頡利之頸。致之闕下。若其不

效。遷都未晚。上曰善。建成與妃嬪因共譖世民曰。突厥

犯邊得賂則退。秦王外託禦寇之名。內欲總兵權。成其

篡奪耳。上大怒。召世民責之。會有司奏突厥內寇。上乃

改容勞勉。詔世民。元吉將兵出幽州。西魏置隋廢唐仍為州。後改為邪。今

州隸陝西。以禦之。八月。突厥受盟而還。時頡利突利二可汗舉國入寇。世民遇于

幽州。元吉懼不敢出。世民帥騎馳詣虜陳。告之曰。我秦

王也。可汗能鬪。獨出與我鬪。若以衆來。我直以此百騎

相當耳。頡利不能測。笑而不應。世民又前遣騎告突利

曰。爾往與我盟。有急相救。今乃引兵相攻。何無香火之

情也。頡利聞之。疑突利與世民有謀。乃遣使謂世民曰。

王不須進。我但與王申盟約耳。乃引兵稍却。會大雨。世

民曰。虜所恃者。弓矢耳。今積雨彌時。筋膠俱解。吾刀槩

犀利。此而不乘。將復何待。乃潛師冒雨而進。突厥大驚。

頡利欲戰。突利不可。乃請和親。世民許之。突利因自託

于世民。世民亦以恩意撫之。與盟而去。突利本始畢

子。名什鉢畢。頡利立。上每有寇盜。輒命世民討之。事平

以為可汗。使居東。

之後猜嫌益甚。

命韋仁壽

萬年人。

檢校南寧州

注見前。

都督。

仁壽性寬厚有識度。初爲蜀郡司法書佐。所論囚至市。猶西向爲仁壽禮佛。然後死。時西南夷內附。朝廷遣使撫之。類皆貪縱。遠民患之。上聞仁壽名。命檢校南寧州都督。仁壽旣受命。將兵五百人。至西洱河。注見前。周歷數千里。蠻夷望風歸附。仁壽承制置七州十五縣。各以其豪帥爲刺史縣令。法令清肅。蠻夷悅服。各遣子弟入貢。
乙酉八年春正月。以張鎮周爲舒州。唐以同安郡置。同安。注見前。都督。鎮周舒州人也。到州就故宅。召親故酣宴十日。贈以金帛。泣與之別曰。今日張鎮周猶得與故人歡飲。明日之後。則舒州都督治百姓耳。自是犯法者。一無所縱。境內肅然。

詔許突厥吐谷渾互市。

突厥吐谷渾各請互市。詔皆許之。先是中國喪亂民乏耕牛。至是資于戎狄。雜畜被野。

秋七月。突厥寇邊。詔右衛大將軍張瑾禦之。敗績。

先是上與突厥書。用敵國禮。至是上謂侍臣曰。突厥貪婪無厭。朕將征之。自今勿復爲書。皆用詔敕。突厥遂寇

靈相潞沁韓朔。

潞州。後周置。今山西潞安府是。沁州。唐以義寧郡置。今州隸山西。韓州。後周置。

今潞安府襄垣縣是。餘注俱見前。

等州。張瑾與戰太谷。隋縣。今屬太原府。全軍

皆沒。瑾僅以身免。長史溫彥博爲虜所執。虜以彥博職

在機近。問以國家兵糧虛實。彥博不對。虜遷之陰山。注見前。

前。靈州都督任城王道宗擊破虜兵。頡利遣使請和而

退。後突厥歸款。彥博乃得還。

九月。令太府檢校諸州權量。

丙戌九年春二月。初。令州縣里閭各祀社稷。

初。令州縣祀社稷。士民里閭亦相從立社。各申祈報。用洽鄉黨之歡。

夏。沙汰僧道。

太史令傅奕上疏請除佛法。

疏曰。佛在西域。言妖路遠。漢譯胡書。恣其假託。使不

忠不孝。削髮而揖君親。游手游食。易服以逃租賦。僞啓三途。謬張六道。遂使愚迷。妄求功德。不憚科禁。輕犯憲章。且生死天壽。由于自然。刑德威福。關之人士。貧富貴賤。功業所招。而愚僧矯詐。皆云由佛。竊人主之權。擅造化之力。其為害政。良可悲矣。自漢以前。初無佛法。君明臣忠。祚長年久。自立胡神。羗戎亂華。主庸臣佞。政虐祚短。梁武齊襄。足為明鏡。今天下僧尼。數盈十萬。請令匹配。即成十萬餘戶。產育男女。十年長養。一紀教訓。可以

足兵。三塗六道。胡三省注。釋氏以地獄。餓鬼。畜生。爲三途。言爲惡者必墮此也。又添阿修羅。天神。地祇。爲六道。詔百官議之。惟太僕卿張道源是突言。蕭瑀曰。佛聖

人也。而突非之。非聖人者無法。當治其罪。突曰。人之大

倫莫如君父。佛以世嫡而叛其父。釋典謂佛以王太子出家。以匹夫

而抗天子。釋氏之法。不拜君親。蕭瑀不生于空桑。昔有莘氏女。採桑于伊川。得嬰

兄于空桑中。是爲伊尹。說見列子。乃遵無父之教。非孝者無親。瑀之謂

矣。瑀不能對。但合手曰。地獄之設。正爲是人。上亦惡沙

門道士。苟避征徭。不守戒律。詔命有司沙汰天下僧尼

道士女冠。其精勤練行者。遷大寺觀。庸猥龕穢者。勒還

鄉里。京師留三寺二觀。諸州各留一所。已而復罷是命。

六月。太白經天。秦王世民殺太子建成。齊王元吉。立世民

元武門之事。昔人聚訟紛
紛惟我

聖祖御批斷以高祖不能早定
大計優游致禍太宗不能
委蛇善全骨肉相殘固由
其謀之未臧匪獨所遭之
不幸爲萬世不刊定論書
曰一人元良萬邦以貞高
祖旣不早見及此傳曰行
一不義聖人不爲太宗亦
豈能無深疚斯言也哉

爲皇太子。決軍國事。

世民旣與建成。元吉有隙。以洛陽形勝之地。恐一朝有
變。欲出保之。乃以行臺尚書溫大雅鎮洛陽。建成夜召
世民飲酒而酖之。世民暴心痛。吐血數升。上謂世民曰。
首建大謀。削平海內。皆汝之功。吾欲立汝爲嗣。而汝固
辭。且建成爲嗣日久。吾不忍奪也。觀汝兄弟。似不相容。
不可同處。當遣汝居洛陽。自陝以東皆主之。仍建天子
旌旗。如漢梁孝王故事。世民泣辭。不許。將行。建成。元吉。
相與謀曰。秦王若至洛陽。不可復制。不如留之長安。則
一匹夫。取之易矣。乃密令數人上封事。言秦王左右。聞
往洛陽。無不喜躍。觀其志趣。恐不復來。上乃止。元吉密

請殺世民。秦府僚佐皆惶懼不知所出。行臺郎中房元齡謂長孫無忌曰：「今嫌隙已成，一旦禍機竊發，豈惟府朝塗地，乃實社稷之憂。莫若勸王行周公之事，以安家國，存亡之機正在今日。」無忌以告世民，召杜如晦謀之。

亦勸世民如元齡言。

建成元吉以秦府多驍將欲誘之使爲己用密以金銀器一車贈尉

遲敬德敬德辭不受以告世民世民曰公心如山嶽雖

積金至斗知公不移元吉乃諧敬德于上將殺之世民

固請得免又諧程知節出爲康州刺史知節謂世民曰

大王股肱羽翼盡矣身何能久知節以死不去願早決

計建成謂元吉曰秦府智畧之士可憚者

獨房元齡杜如晦耳皆諧之于上而逐之長孫無忌與

其舅高士廉

名儉以字行齊

將軍侯君集

幽州三及尉

遲敬德等

日夜勸世民

次計世民猶豫

問于李靖及李

世勣皆辭世民

由是重

會突厥入塞

建成薦元吉

將兵擊之

元吉請尉

二人

會突厥入塞

建成薦元吉

將兵擊之

元吉請尉

二人

會突厥入塞

建成薦元吉

將兵擊之

元吉請尉

二人

會突厥入塞

建成薦元吉

將兵擊之

元吉請尉

二人

會突厥入塞

建成薦元吉

將兵擊之

元吉請尉

遲敬德等與之俱。又悉簡秦府精卒以益其軍。率更丞王晔密告世民曰。太子語齊王。吾與秦王餞汝于昆明池。使壯士拉殺之。因遣人說上。授我以國。而立汝爲太子。世民以告長孫無忌。無忌等請先事圖之。世民歎曰。骨肉相殘。古今大惡。吾誠知禍在朝夕。欲俟其發。然後以義討之。不亦可乎。敬德曰。大王不用敬德之言。敬德將竄身草澤。不能留居大王左右。交手受戮也。無忌曰。不從敬德之言。無忌亦當相隨而去。世民訪之府僚。衆曰。大王以舜爲何如人。曰。聖人也。衆曰。使舜浚井而不出。塗廩而不下。則井中之泥。廩上之灰耳。安能澤被天下。法施後世乎。世民命卜之。幕僚張公謹。字宏愼。魏州繁水人。自

外來見之。取龜投地曰。卜以決疑。不疑何卜。世民意乃

決。于是太白再經天。傳奕密奏太白見秦分。秦王當有

天下。上以其狀授世民。于是世民密奏建成。元吉淫亂

後宮。且曰。兄弟專欲殺臣。似爲世充。建德報讎。臣今永

違君親。亦實耻見諸賊于地下。上驚報曰。明當鞫問。汝

宜早參。明日。世民率長孫無忌等。伏兵于元武門。建成

與元吉俱入。

先是張婕妤竊知世民表意。馳語建成。建成召元吉謀之。元吉曰。宜勒兵不朝。以觀

形勢。建成曰。兵備已嚴。當俱入。參自問消息也。乃俱入。

至臨湖殿。覺有變。欲還。世

民追射建成殺之。尉遲敬德射殺元吉。于是東宮齊府

將帥薛萬徹等。帥衆大至。攻元武門。敬德以二人首示

之。乃頗散去。上方泛舟海池。

在太極宮中。

世民使敬德入侍。

敬德貫甲持矛直至上所。奏曰：「太子齊王作亂，秦王兵已誅之矣。恐驚動陛下，遣臣宿衛。」上謂裴寂等曰：「不圖今日乃見此事，當如之何？」蕭瑀、陳叔達曰：「建成元吉本不豫義謀，又無功于天下。疾秦王功高望重，共爲姦謀。今秦王已討而誅之，陛下若處以元良，委之國務，無復事矣。」上曰：「此吾之夙心也。」時秦府兵與二宮左右戰，猶未已。敬德請降手敕，令內外諸軍一受秦王節度。衆然後定。上召世民撫之。世民跪吮上乳，號慟久之。建成元吉諸子皆坐誅。遂立世民爲皇太子，軍國庶事悉委太子處決。然後奏聞。太子命縱禁苑鷹犬，罷四方貢獻，聽百官各陳治道。政令簡肅，中外大悅。

司馬光以太宗欲俟其先發然後應之為猶愈是不知太宗此言始為漫聽漫應之意耳然後建成嗣位則唐室不久而亡當與隋同轍太宗立而延唐家三百年之基此評古者所以亟為太宗諱也至元武門之失德雖具炙轂之辯又安能為之諱哉

魏徵之對正如陳琳之對操所謂矢在弦上不得不發雖云各忠其主然豈得謂之善處人骨肉之間者哉

司馬氏光曰立嫡以長禮之正也。然高祖所以有天下皆太宗之功。隱太子以庸劣居其右。地嫌勢逼必不相容。鄉使高祖有文王之明。隱太子有泰伯之賢。太宗有子臧之節。則亂何自而生哉。既不能然。太宗始欲俟其先發。然後應之。如此則事非獲已。猶為愈也。既而為羣下所逼。遂至喋血禁門。推刃同氣。貽譏千古。惜哉。以魏徵王珪為諫議大夫。

初洗馬魏徵常勸建成早除秦王及建成敗太子召徵謂曰汝何離間我兄弟徵舉止自若對曰先太子早從徵言必無今日之禍太子改容禮之引為詹事主簿亦召王珪韋挺子嶺州皆以為諫議大夫。

帝自稱太上皇。

廬江王瑗

字德珪。太祖之孫。

反。幽州將軍王君廓殺之。

初上以瑗為幽州都督又以其懦怯非將帥才使王君

廓佐之。君廓故羣盜，勇悍險詐。瑗推心倚仗之。太子建成謀害秦王，密與瑗相結，建成死，詔遣使馳驛召瑗。瑗心不自安，謀于君廓。君廓欲取瑗以爲功，乃曰：「大王若入，必無全理。」瑗曰：「我今以命託公，舉事決矣。」乃發驛徵兵。又召燕州刺史王詵計事，欲除君廓。以詵代之。君廓知之，往見詵，斬之，持其首告衆曰：「李瑗與王詵同反，汝何故從之？取族滅乎？」遂帥麾下踰城而入，執瑗縊之。詔以君廓爲幽州都督，以瑗家口賜之。建成元吉之黨亡在民間，雖更赦令猶不自安。徽幸者爭告捕以邀賞，諫議大夫王珪以啓太子。太子令事連東宮。齊王及李瑗者，並不得告。違者反坐。遣魏徵宣慰山東，聽以便宜從事。徵至磁州，遇州縣錮送前太子千牛李志安、齊王護軍李思行詣京師。徵曰：「前宮齊府左右已赦不問，今復送思行等，則誰不自疑？」遂皆解縱之。太子聞之甚喜。

秋八月太子即位。

詔傳位于太子。太子固辭不許。乃即位。

放宮女三千餘人。

立妃長孫氏。晟之女。為皇后。

后少好讀書。造次必循禮法。上為秦王。后奉事高祖。承

順妃嬪。甚有內助。及為后。務崇節儉。服御取給而已。上

深重之。嘗與之議賞罰。后辭曰。牝雞之晨。惟家之索。妾

婦人。安敢預聞政事。固問之。終不對。

突厥入寇。至便橋。即西渭橋。在咸陽縣西南。三輔志。長安城西門曰便門。門北與橋對。因號便

橋。帝出禦之。突厥請盟而退。

梁師都所部離叛。國寢衰弱。乃朝于突厥。勸令入寇。于

長孫氏讀書循理恭順節儉足為賢而辭議政一節識見卓越視漢明德尤遠過之然以太宗英明豈不知牝雞之意何必與后議賞罰哉

是頡利突利二可汗合兵十餘萬騎寇潭州

注見前頡利

進至渭水便橋之北遣其腹心執失思力入見以觀虛實執失思力盛稱二可汗將兵百萬今至矣上讓之曰吾與汝可汗面結和親贈遺無算今汝可汗背盟入寇全忘大恩自誇彊盛我今先斬汝矣執失思力懼乃囚之上與高士廉房元齡等六騎徑詣渭水上與頡利隔水而語責以負約突厥大驚皆下馬羅拜俄而諸軍繼至旌甲蔽野頡利見執失思力不返而上輕出軍容甚盛有懼色上麾諸軍使卻而布陳獨留與頡利語蕭瑀叩馬固諫上曰突厥所以敢傾國而來者以我國內有難朕新卽位謂我不能抗禦也我若示之以弱虜必放

兵大掠。不可復制。故朕輕騎獨出。示若輕之。震曜軍容。使知必戰。虜既深入。必有懼心。與戰則克。與和則固。制服突厥。在此舉矣。是日。頡利來請和。詔許之。斬白馬與盟于便橋之上。突厥引兵退。蕭瑀請曰。突厥未和之時。虜自退。其策安在。上曰。突厥之衆多而不整。君臣之志惟萌是求。昨其達官皆來謁我。我若醉而縛之。因擊其衆。伏兵邀其前。大軍躡其後。覆之如反掌耳。然吾卽位日淺。國家未安。一與虜戰。結怨既深。彼或懼而修備。則吾未可以得志也。故卷甲韜戈。留以金帛。彼既得所欲。志必驕惰。然後養威俟釁。一舉可滅也。將欲取之。必固與之。此之謂也。瑀謝不及。

九月。引諸衛將卒習射于顯德殿。

上曰。引諸衛將卒數百人。習射殿庭。諭之曰。朕不使汝曹穿池築苑。專習弓矢。居閒無事。則爲汝師。突厥入寇。

古者郊廟有事則舉大射。王所自射則有虎侯。後世積習燕安。獨昧於詩戎抑且甘於蔑禮。太宗手定隋亂。初政節引衛卒習射。

可謂深知體要羣曉嘆
無識甚矣

雖當其弱凡臨敵制勝者
皆知之至我弱彼強聽其
乘而以疆反擊其弱實發
前人所未發非精於用兵
者不能歷觀古來名將每
以少勝多率視此為窺要
太宗英勇天授閱歷復多
故能舉以示人耳

則為汝將庶幾中國之民可以少安羣臣多諫曰于律
以兵刃至御在所者絞今使將卒習射殿庭萬一狂夫
竊發出于不意非所以重社稷也上曰王者視四海為
一家封域之內皆朕赤子朕一一推心置其腹中奈何
宿衛之士亦加猜忌乎由是人思自勵數年之間悉為
精銳上嘗言吾自少經畧四方頗知用兵之要每觀敵
陳則知其疆弱嘗以吾弱當其疆疆當其弱彼乘
吾弱遂奔不過數百步吾乘其弱必出其陳
後反而擊之無不潰敗所以取勝多在此也

定勲臣爵邑

上面定勲臣爵邑命陳叔達唱名示之且曰所敘未當
宜各自言于是諸將爭功不已淮安王神通曰臣舉兵
關西首應義旗今房元齡杜如晦等專弄刀筆功居臣

太宗實有視天下為一家之度故舊人不必遷官而宿衛不須舊卒以見王者無私其規模宏遠深得政要雖以房喬之賢且未能類測萬一他無論矣

上臣竊不服。上曰：叔父雖首倡舉兵，蓋亦自營脫禍。及竇建德吞噬山東，叔父全軍覆沒，劉黑闥再合餘燼，叔父望風奔北。元齡等運籌帷幄，坐安社稷，論功行賞，固宜居叔父之先。諸將乃相謂曰：陛下至公，淮安王尚無所私，吾儕何敢不安其分？遂皆悅服。房元齡嘗言：秦府嗟怨，上曰：王者至公，無私，故能服天下之心。設官分職，以為民也。當擇賢才而用之。豈以新舊為先後哉？其後或請追秦府舊兵入宿衛，上曰：朕以天下為家，惟賢是與。豈舊兵之外皆無可信者乎？汝之此意，非所以廣朕德于天下也。

置弘文館

上于弘文殿聚四部書。分為四類：曰經、史、子、集，以甲、乙、丙、丁為次。二十餘萬卷。置弘文館于殿側，選天下文學之士，虞世南、褚亮、姚

思廉歐陽詢

字信本。紇之子。

蔡允恭蕭德言

字文行。系出蘭陵。徙關中。等以

本官兼學士。令更日宿直。聽朝之隙。引入內殿。講論前

言。往行商確政事。或至夜分乃罷。

上謂侍臣曰。朕觀煬帝。文辭奧博。亦知是

堯舜而非桀紂。然行事何其相反也。魏徵對曰。人君雖聖哲。猶當虛己以受人。故智者獻其謀。勇者竭其力。煬帝恃其俊才。驕矜自用。故口誦堯舜之言。而身為桀紂之行。曾不自知。以至覆亡也。上曰。前事不遠。吾屬之師

也。上問給事中孔穎達曰。論語以能問于不能。以多問于寡。有若無。實若虛。何謂也。穎達具釋其義。以對。且

曰。非獨匹夫如是。帝王內蘊神明。外當元默。若位居尊極。炫耀聰明。以才陵人。飾非拒諫。則下情不通。取亡之

道也。上曰。朕每臨朝。欲發一言。未嘗不三思。恐為民害。是以不多言。知起居事杜正倫曰。臣職在記言。陛下

之言失。臣必書之。豈徒有害于今。亦恐貽譏于後。上謂裴寂曰。比多上書言事者。朕皆黏之屋壁。得出入省

覽。數思治道。或深夜方寢。公輩亦當恪勤職事。副朕此意。有上書請去佞臣者。上問佞臣謂誰。對曰。願陛下

與羣臣言。或陽怒以試之。彼執理不屈者。直臣也。畏威順旨者。佞臣也。上曰。君源也。臣流也。濁其源而求其流

鑑誠懸而物來畢照。初不必豫存妍媸之見。而萬象自無遁形。人君臨下。亦猶是也。太宗不肯設詐待人。比之濁其源而求流清實。

至當不易之論然未久而
密使賂人致有裴矩之諫
不宜矛盾若此豈紀載者
失實耶

之清不可得矣。君自爲詐。何以責臣下之直乎。朕方以
至誠治天下。卿策雖善。朕不取也。上與羣臣論止盜
或請重法以禁之。上曰。朕當去奢省費。輕徭薄賦。選用
廉吏。使民衣食有餘。則自不爲盜。安用重法邪。自是數
年之後。海內升平。路不拾遺。外戶不閉。商旅野宿焉。
上嘗曰。君依于國。國依于民。刻民以奉君。猶割肉以充
腹。腹飽而身斃。君富而國亡矣。然人君之患。不自外來。
常由身出。蓋欲盛則費廣。費廣則賦重。賦重則民愁。而
國危。朕常以此思之。不敢縱欲也。上謂公卿曰。昔禹
鑿山治水。而民無謗。斲者與人同利故也。秦始皇營宮
室。而民怨叛者。病人以利己故也。夫美麗珍奇。固人之
所欲。若縱之不已。則危亡立至。朕欲營一殿。材用已具。
鑒秦而止。王公以下。宜體朕此意。由是二十年間。風俗
素樸。衣無錦繡。公私富給。上謂侍臣曰。吾聞西域賈
胡得美珠。剖身以藏之。有諸。侍臣曰。有之。上曰。人皆知
笑彼之愛珠。而不愛其身也。吏受賕抵法。與帝王狗奢
欲而亡國者。何以異于胡之可笑邪。朕與公輩。宜戮力
相輔。庶免爲人笑也。上患吏多受賕。密使左右試賂
之。有司門令史受絹一匹。上欲殺之。民部尚書裴矩諫
曰。爲吏受賂。罪誠當死。但陛下使人遺之而受。乃陷人
于法也。上悅。告羣臣曰。裴矩能當官力爭。不爲面
從。儻每事皆然。何憂不治。杜正倫。相州洹水人。

冬十月丙辰朔日食。

詔追封故太子爲息隱王。齊王爲海陵刺王。改葬之。

後詔復息隱王爲隱太子。海陵刺王號巢刺王。

立子承乾。

字明德。長孫皇后出。

爲皇太子。

承乾生八年矣。

十一月降宗室郡王爲縣公。

初上皇欲彊宗室。自三從昆弟以上皆爲王。至是上問羣臣。徧封宗子于天下。利乎。封德彝對曰。前世唯皇子及兄弟乃爲王。今封爵太廣。恐非所以示天下至公。上曰然。朕爲天子。所以養百姓也。其有勞百姓以養已之宗族乎。降宗室郡王皆爲縣公。惟有功者數人不降。

十二月遣使點兵。

上勵精求治。數引魏徵入卧內。訪以得失。徵知無不言。上皆欣然嘉納。上遣使點兵。封德彝奏。中男雖未十八。其壯大者。亦可并點。上從之。敕出。徵固執以爲不可。上怒。召而讓之。對曰。夫兵在御之得其道耳。何必多取細弱。以增虛數乎。且陛下每云。吾以誠信御天下。今卽位未幾。失信者數矣。上愕然曰。何也。對曰。陛下初詔。悉免負逋官物。謂負欠官物而逃逋者。免追償也。有司以爲負秦府國司者。非官物。徵督如故。陛下以秦王升爲天子。國司之物。非官物而何。又曰。關中免二年租。調關外給復一年。旣而繼有敕云。已役已輸者。以來年爲始。散還之後。方復更

徵。百姓固已不能無怪。今復黜爲兵。何謂來年爲始乎。
又陛下所與共治天下者。在于守宰。至于黜兵。獨疑其
詐。豈所謂以誠信爲治乎。上悅從之。

以張元素

蒲州虞鄉人。

爲侍御史。

上聞景州錄事參軍張元素名。召見。問以政道。對曰。隋
主自專庶務。不任羣臣。以一人之智。決天下之務。借使
得失相半。乖謬已多。下諛上蔽。不亡何待。陛下誠能擇
羣臣而分任以事。考其成敗。何憂不治。上善其言。擢爲
侍御史。

以張蘊古

洹水人。

爲大理丞。

前幽州記室張蘊古。上大寶箴。

其畧曰。聖人受命。拯溺
亭屯。故以一人治天下。

不以天下奉一人。又曰。壯九重于內。所居不過容膝。彼昏不知。瑤其臺而瓊其室。羅八珍于前。所食不過適口。惟狂罔念。邱其糟而池其酒。又曰。勿汝汝而闇。勿察察而明。雖冕旒蔽目。而視于未形。雖黈纛塞耳。而聽于無聲。上嘉之。賜以束帛。除大理丞。

太宗文武皇帝

帝名世民。高祖次子。

方四歲。有書生見之。曰。龍鳳之姿。天日之表。其年幾冠。必能濟世安

民。書生去。高祖使人追之。不見。乃採其語爲名。

年十八。首勸高祖起兵。初封趙

公。進爵秦王。高祖平定天下。皆帝之功也。建成元吉。旣斃。高祖立爲太子。遂傳位焉。

丁亥

貞觀元年春正月。宴羣臣。

上宴羣臣。奏秦王破陳樂。上曰。朕昔受委專征。民間遂有此曲。雖非文德之雍容。然功業所由。不敢忘也。封德

彝曰。陛下以神武平海內。文德豈足比乎。上曰。戡亂以武。守成以文。文武之用。各隨其時。卿謂文不及武。斯言過矣。

制諫官隨宰相入閣。

太極殿東西兩廡之閣也。議事。

中書門下及三品以上入閣議事。皆命諫官隨之。有失輒諫。

更定律令。

命吏部尚書長孫無忌與法官更議定律令。寬絞刑五十條爲斷右趾。上曰。肉刑廢已久。宜有以易之。于是有司請改爲加役流。流三千里。居作三年。從之。

以戴胄爲大理少卿。

賜絹以愧貪墨其事與漢文一轍蓋太宗特欲保全順德用是解嘲耳以爲一時權宜則可以爲尚德緩刑則不可

上以選人多詐冒資蔭。敕令自首。不首者死。未幾有詐冒事覺者。上欲殺之。胄奏據法應流。上怒曰。卿欲守法而使朕失信乎。對曰。敕者出于一時之喜怒。法者國家所以布大信于天下也。陛下忿選人之多詐。故欲殺之。既而知其不可。復斷之以法。此乃忍小忿而存大信也。上曰。卿能執法。朕復何憂。胄前後犯顏執法。言如湧泉。上皆從之。天下由是無冤獄。將軍長孫順德受人餽絹匹。大理少卿胡演以爲不可。上曰。彼有人性。得絹之屋甚于受刑。如不知愧。一禽獸耳。殺之何益。長孫順德無忌族叔。

二月分天下爲十道。

隋末豪傑據地。自相雋長。唐興。相帥來歸。上皇割置州。

縣以寵祿之上以民少吏多大加併省因山川形便分

爲十道曰關內領雍華同商岐邠隴涇原寧慶鄜河南

領洛汝陝號鄭滑許潁陳豫汴宋亳徐泗河東領蒲晉

豪鄆齊曹濮淄青萊棣兗海沂密等州河北領懷魏博相衛貝邢洛恒冀

并南汾箕沁嵐石忻代朔蔚澤潞等州檀營平山南領荆峽歸襄澧朗忠涪萬襄唐隨鄧均房

等州開隆果隴右領秦渭河鄆蘭武洮岷廓淮南領揚楚滁

渠等州光蘄黃安江南領潤常蕪湖杭睦越衢發括台福建泉

申等州永道郴邵黔辰劍南領益嘉眉邛簡資壽雅南會翼維

夷思南等州瀘南領廣韶循潮康龍端新封潘春羅南石高東

州連南昆靜樂南恭融容牢繡南扶越南義交陸峯愛驩等州

三月皇后帥內外命婦親蠶

太宗因弓工辨論弓材悟
及政理深得絜矩之道夫
天下情變萬狀豈能一一
曲盡其致或狃於所習而
忽不加察者蓋不少矣向
閱養正圖曾採其事題諸
屏展於引伸觸類之義益
深有取焉

閏月癸丑朔日食。

命京官五品以上更宿中書內省。

上謂太子少師蕭瑀曰。朕少得良弓十數。自謂無以加。
近以示弓工。乃曰。皆非良材。木心不正。則脉理皆邪。弓
雖勁而發矢不直。朕以弓矢定四方。識之猶未能盡。况
天下之務乎。乃命京官五品以上更宿中書內省。數延
見。問民疾苦。政事得失。

夏五月。苑君璋降。

初。君璋數引突厥入寇。至是。見頡利政亂。知其不足恃。
遂帥眾來降。

六月。僕射封德彝死。

初上令封德彝舉賢久無所舉上詰之對曰非不盡心但于今未有奇才耳上曰君子用人如器各取所長古之致治者豈借才于異代乎正患已不能知安可誣一世之人德彝慙而退及是病死德彝險佞隱刺之亂數日為四海不顧其親乞養者謂何及上皇議廢立德彝復諫止當時語秘無知者及德彝死後事寢聞侍御史唐臨追劾奸狀詔削德彝官爵改其諡明日繆唐臨字本德京兆長安人以蕭瑀為左僕射

初瑀與德彝有隙

瑀薦德彝于上皇以為中書令及上即位瑀為僕射每議事已定德彝至

上前輒反之由是有隙

時房元齡杜如晦新用事皆疎瑀而親德

彝瑀不能平遽上封事論之由是忤旨會瑀及陳叔達

忿爭于上前皆坐不敬免官至是復以瑀為左僕射上與

侍臣論周秦修短。瑀對曰。紂爲不道。武王征之。周及六國無罪。始皇滅之。得天下雖同。立心則異。上曰。公知其一。未知其二。周得天下。增修仁義。秦得天下。益尚詐力。此修短之所以殊也。蓋取之或可以逆。而守之不可以不順也。瑀謝不及。

山東旱。詔所在賑卹。蠲其租賦。

秋七月。以長孫無忌爲右僕射。

無忌與上爲布衣交。加以外戚。有佐命功。上委以心腹。欲相者數矣。皇后固請曰。妾備位椒房。貴寵極矣。誠不願兄弟執國政。呂霍上官。可爲切骨之戒。上不聽。卒用之。

九月庚戌朔日食。

冬十月。嶺南酋長馮盎遣子入朝。

初。盜與諸酋長迭相攻擊。諸州皆奏盜反。上欲發兵討之。魏徵諫曰。嶺南瘴癘險遠。不可以宿大兵。且告者已數年。而盜兵未嘗出境。此不反明矣。若遣信臣。示以至誠。可不煩兵而服。上乃遣使諭之。盜遣其子智戴。隨使者入朝。上曰。魏徵一言。勝十萬之師。不可不賞。乃賜絹五百匹。後盜入朝。曾諸洞獠反。詔盜討平之。上美其功。前後賞賜。不可勝數。

十二月。詔殿中侍御史崔仁師。定州安喜人。按獄青州。

青州有謀反者。逮捕滿獄。詔崔仁師等覆按之。仁師至。止坐魁首十餘人。孫伏伽謂仁師曰。足下平反者多。恐人情貪生。見其徒侶得免。未肯甘心耳。仁師曰。凡治獄。當以仁恕爲本。豈可自規免罪。知其寃而不爲伸邪。萬

一誤有所縱。以一身易十囚之死。亦所願也。及敕使至。更訊諸囚。皆曰。崔公平恕無枉。請速就死。無一人異辭者。

以孫伏伽爲諫議大夫。

上好騎射。孫伏伽諫曰。天子居則九門。行則警蹕。非欲苟自尊嚴。乃爲社稷生民計也。夫走馬射的。乃少年諸王所爲。非今日天子事業也。旣非所以安養聖躬。又非所以儀刑後世。臣竊爲陛下不取。上悅。以伏伽爲諫議大夫。上神采英毅。羣臣進見。皆失舉措。上知之。每假以辭色。嘗謂公卿曰。人欲自見其形。必資明鏡。君欲自知其過。必待忠臣。苟其君懷諫。自賢其臣。阿諛順旨。君旣失國。臣豈能獨全。如隋煬帝。虞世基者。亦足以觀矣。公輩宜用此爲戒。事有得失。無惜盡言也。

命吏部四時選集併省吏員。

隋世選人十一月集。至春而罷。人患其期促。至是吏部

侍郎劉林甫

魏州觀城人。

奏四時聽選。隨闕注擬。人以爲便。

唐初士大夫以亂離之後。不樂仕進。官員不充。州府多

以赤牒補官。至是皆勒赴省選。集者七千餘人。林甫隨

材銓敘。各得其所。時人稱之。

時關中米貴。始分人于洛陽選。

上謂房元

齡曰。官在得人。不在員多。遂併省之。留文武總六百四

十三員。

徵隋秘書監劉子翼

字小心。常州晉陵人。不至。

子翼有學行。性剛直。朋友有過。常面責之。李百藥

字重規。德

林子。常稱劉四雖復罵人。人終不恨。是歲有詔徵之。辭以

母老不至。

以李乾祐

長安人。

為侍御史。

郇

注見前。

令裴仁軌私役門夫。上怒。欲斬之。殿中侍御史

李乾祐諫曰。法者。陛下所與天下共也。今仁軌坐輕罪

而抵極刑。臣恐人無所措手足矣。上悅。從之。以乾祐為

侍御史。

上嘗語及關中。山東人。意有同異。殿中侍御史張行成曰。天子以四海為家。今有東西之異。示

人以隘。上善其言。厚賜之。行成。字德立。定州義豐人。

張

鴻臚卿鄭元璠還自突厥。

初。突厥既彊。敕勒諸部分散。有薛延陀。

先與薛種雜居。後滅延陀部。有

之。號薛延陀。姓一利啞氏。

回紇。

先曰袁紇。亦曰烏紇。至隋始稱回紇。姓藥葛羅氏。

都播。

亦曰都波。

南接回紇。

骨利幹。

居瀚海北。

多濫葛。

亦曰多覽葛。在薛延陀東。

同羅。

在薛延陀北。

僕

固

亦曰僕骨在多濫葛東

拔野古

或為拔曳固東鄰靺鞨

思結

在延陀故牙

渾

在諸

部最南

斛薛

處多濫葛北

奚結

處同羅北

阿跌

亦曰訶啞

契苾

在焉耆西北

白

霫

居鮮卑故地

等十五部

皆居磧北

頡利政亂

薛延陀

回紇

等叛之

頡利不能制

會大雪

羊馬多死

民大饑

鴻臚卿

鄭元璠使還

言于上

曰

戎狄興衰

專以羊馬為候

今突

厥民饑

畜瘦

將亡之兆也

羣臣多勸上

乘間擊之

上曰

背盟不信

利災不仁

乘危不武

縱其種落盡叛

六畜無

餘

朕終不擊

必待有罪

然後討之

戊子

二年

春正月

長孫無忌罷

時有密表

稱無忌權寵過盛者

上以表示之

曰

朕于卿

洞然無疑

故以示卿

若各懷所聞

而不言

則君臣之意

有不通。無忌自懼滿盈。固求遜位。皇后又內爲之請。上乃許之。

置六司侍郎。

副六司尚書

左右司郎中。

三月戊寅朔日食。

詔自今大辟。並令兩省四品及尚書議之。

大理進每月囚帳。上命自今大辟。皆令中書門下四品以上及尚書議之。庶無冤濫。旣而引囚至岐州刺史鄭善果。上曰。善果官品不卑。豈可使與諸囚爲伍。自今三品以上犯罪。聽于朝堂俟進止。

關內旱饑。赦天下。

上嘗謂侍臣曰。古語有之。赦者小人之幸。君子之不幸。

一歲再赦。善人喑啞。夫養稂莠者害嘉穀。赦有罪者賊良民。故朕卽位以來。不欲數赦。恐小人恃之。輕犯憲章。故也。至是以連年水旱。赦天下。且曰。使年豐穀稔。天下乂安。移災朕身。是所願也。會所在有雨。民大悅。

夏四月。突厥突利可汗請入朝。

初。突厥頡利可汗以薛延陀回紇等叛。遣突利討之。敗還。拘而撻之。突利由是怨。表請入朝。上謂侍臣曰。嚮者突厥方彊。憑陵中夏。由是驕恣。以失其民。今困窮如是。朕聞之。且喜且懼。何則。突厥衰。則邊境安。故喜。然朕或失道。亦將如此。卿曹不惜苦諫。以輔不逮。

遣右衛大將軍柴紹等討梁師都。其下殺之以降。以其地

為夏州。師都自起兵至滅凡十二年。夏州注見前。

六月祖孝孫幽州范陽人。奏唐雅樂。

初上皇命孝孫定雅樂孝孫以為梁陳之音多吳楚周

齊之音多胡夷于是考古聲作唐雅樂凡八十四調。律

皆具七音十二律。共成八十四調。三十一曲。平調清調房中樂遺音也皆用前代歌辭。十二

和。曰豫和順和永和肅和雍和壽和舒和。至是奏之上

曰。禮樂者聖人緣物以設教治之隆替豈由于此杜淹

曰。齊之將亡作伴侶曲陳之將亡作玉樹後庭花其聲

哀思聞者悲泣豈可謂治不在樂乎上曰悲喜在心非

由樂也將亡之政民必愁苦故聞樂而悲矣今二曲俱

存為公奏之公豈悲乎魏徵曰樂在人和不在聲音也

作樂象功聞樂知德必
先有其治而後用樂以宣
之固曰謂之治中乎樂
太宗論其理已淺至魏
徵直曰不在聲音失愈遠
矣彼和倡玉樹之譜果與
雅樂無異倫乎

太宗於民間疾苦呼吸相
運善政施行殆無虛日由
其誠心愛民故也若飛蝗
傷稼亦惟盡力急為撲捕
如詩所云秉畀炎火而已
吞以弭災近於飾偽太宗
豈為之哉史臣意在鋪揚
盛德後世且艷稱之皆不
計事理之有無蓋泥於前
人蝗不入境之說而不知
其實耳

太宗即位已放宮女三千
矣今又放三千果爾其淹

畿內蝗

上入苑中見蝗掇數枚祝之曰民以穀為命而汝食之
寧食吾之肺腸欲吞之左右諫曰惡物或成疾上曰朕
為民受災何疾之避遂吞之是歲蝗不為災

秋九月詔非大瑞不得表聞

上曰比見羣臣屢上祥瑞夫家給人足而無瑞不害為
堯舜百姓愁怨而多瑞不免為桀紂後魏之世更焚連
理木煮白雉而食之豈足為至治乎乃詔自今大瑞聽
表聞餘申所司而已嘗有白鵲巢于寢殿槐上合歡如
腰鼓左右稱賀上曰我常笑隋煬
帝好祥瑞瑞在得賢
此何足賀命毀其巢

出宮女三千餘人

留承者又復何恨白屋
易詩怨女三千放出宮乃
詢臣揄揚溢美之言唐史
不知其失實而書之此不
足以美太宗而適足以誣
太宗耳何可爲訓

天少雨。中書舍人李百藥言。往年雖出宮人。無用者尚
多。陰氣鬱積。亦足致旱。上命簡出之。前後三千餘人。

冬十月。殺瀛州刺史盧祖尚。

字季良。光州樂安人。

上以盧祖尚廉平公直。欲遣鎮撫交趾。祖尚旣謝而復
悔之。以疾辭。上遣杜如晦等諭旨。祖尚固辭。上大怒曰。
我使人不行。何以爲政。命斬于朝堂。尋悔之。他日。與侍

臣論齊文宣帝之爲人。魏徵對曰。文宣狂暴。然人與之

爭。事理屈則從之。有青州長史魏愷使梁還。除光州。

注見

前長史不肯行。文宣怒而責之。愷曰。臣先任大州。使還

有勞無過。更得小州。所以不行。文宣赦之。此其所長也。

上曰。然。曩者盧祖尚雖失人臣之義。朕殺之。亦爲太暴。

太宗懷鵠事帝紀及魏徵傳皆無之司馬光輯通鑑蓋採李延壽劉焯張文業諸家之說適足啓後世之疑夫徵固敢言者果有其事何不犯顏直諫而故爲此謫術且徵奏事故久誰則見之詭諫於君前後言於退食徵亦必不出此至太宗雖喜延接羣臣亦自有堂廡之分徵豈能突如其來卽自臂佳鵠何難預付侍臣而必倉卒納之懷中類三家村塾弟子憚師伎倆皆理之所必無嘗作文辨正之盡信書不如無書讀史者不可不具卓識

由此言之不如文宣矣。命復其官廕。徵容貌不逾中人。主意每犯顏苦諫。或逢上怒甚。卒亦爲之霽威。上嘗得佳鵠。自臂之。望見徵來。匿懷中。徵奏事故久。鵠竟死懷中。嘗謁告上。豕還。言于上曰。人言陛下欲幸南山。嚴裝已畢。而竟不行。何也。上笑曰。初實有此心。畏卿嗔。故中輟耳。

十一月以王珪爲侍中。

故事。軍國大事。則中書舍人各執所見。雜署其名。謂之五花判事。中書侍郎中書令省審之。給事中黃門侍郎駁正之。至是。上謂珪曰。國家本置中書門下以相檢察。正以人心所見。互有不同。苟論難往來。務求至當。捨已從人。亦復何傷。比來或護己短。遂成怨隙。或避私怨。知非不正。順一人之顏情。爲兆民之深患。此乃亡國之政。

煬帝之世是也。當時羣臣如此，必皆自謂有智，禍不及身。及天下大亂，家國兩亡，其幸免者，亦為時論所貶，終古不磨。卿曹各當徇公忘私，勿雷同也。後又謂侍臣曰：中書門下機要之司，詔敕有不便者，皆應論執。比來惟睹順從，不聞違異。若但行文書，則誰不可為？何必擇才也？房元齡等皆頓首謝。上嘗謂珪曰：開皇中旱，隋文帝比至末年，天下儲積可供五十年。煬帝恃之，卒亡天下。但使倉庾之積足，以備凶年，其餘何用哉？上又嘗問珪曰：近世治不及古，何也？對曰：漢世尚經術，宰相多用儒士，故風俗淳厚。近世重文輕儒，參以法律，此治化之所以益衰也。上然之。上閒居與珪語，有美人侍側，指示珪曰：此廬江王瑗之姬也。瑗殺其夫而納之，珪避席曰：陛下以廬江納之為是邪？非邪？上曰：殺人而取其妻，卿何問是非？對曰：昔齊桓公知郭公之所以亡，由善善而不能用，然棄其所言之人，管仲以為無異于郭公。今此美人尚在左右，臣以為聖心是之也。上悅，即出之。

上使祖孝孫教宮人樂。不稱旨者責之。珪與溫彥博諫曰。孝孫雅士。今乃使之教宮人。又從而譴之。臣竊以爲不可。上怒曰。卿等當竭忠直以事我。乃爲孝孫遊說邪。彥博拜謝。珪不拜曰。陛下責臣以忠直。今臣所言。豈私曲邪。上默然而罷。明日。謂房元齡曰。自古帝王納諫誠難。朕昨責二公。至今悔之。卿等勿爲此不盡言也。廬江王瑗。唐宗室。前反。幽州。爲王君廓所殺。

詔舉堪縣令者

上曰。爲朕養民者。惟在都督刺史。朕嘗疏其名于屏風。坐卧觀之。得其在官善惡之跡。皆注于名下。以備黜陟。縣令尤爲親民。不可不擇。乃命五品以上。各舉堪爲縣令者。以名聞。

詔自今奴告主者斬之

上曰。比有奴告主反者。夫謀反不能獨爲。何患不發。何

必使奴告之邪。自今奴告主勿受。仍斬之。

遣使立薛延陀夷男爲真珠可汗。

突厥北邊多叛。頡利歸薛延陀。共推其俟斤夷男爲可汗。夷男不敢當。上方圖頡利。乃遣使問道。冊拜夷男爲真珠毘伽可汗。賜以鼓纛。夷男建牙于大漠之鬱督軍山下。在漠北。今哈爾哈地。考是山。唐歷以爲卽都尉健山。後入回紇。又謂之烏德韃山。回紇拔野古。阿跌。同羅。僕骨。白霫。諸部皆屬焉。

巳丑三年春正月耕籍東郊。

裴寂卒。

司空裴寂坐與妖人交通。免官。上數之曰。計公勲庸。安得至此。武德之際。貨賂公行。紀綱紊亂。皆公之由也。尋

復有罪。流靜州。唐置。今廣西平樂府昭平縣是。將召還。會卒。

二月。以房元齡。杜如晦。為僕射。魏徵守秘書監。參預朝政。

上謂元齡如晦曰。公為僕射。當廣求賢人。隨才授任。比

聞聽訟。日不暇給。安能助朕求賢乎。因敕尚書細務屬

左右丞。惟大事當奏者。乃關僕射。上嘗謂元齡等曰。為

亮竄廖立。李嚴于南夷。亮卒而二人哭泣。有死者。非主

公能如是乎。又高潁相隋。公平識治體。隋之興亡。繫潁

存沒。朕慕前世之明君。卿等不可不法前世之賢相也。

元齡明達吏事。輔以文學。夙夜盡心。惟恐一物失所。

用法寬平。聞人有善。若已有之。不以求備取人。不以已

長格物。與如晦引拔士類。常如不及。上每與元齡謀事。

必曰。非如晦不能決。及如晦至。卒用元齡之策。蓋元齡

善謀。如晦能斷也。二人同心。徇國。故唐世稱賢相。推房

杜焉。或告魏徵私其親戚。上使御史大夫溫彥博按

之。無狀。言于帝曰。徵不存形迹。以避嫌疑。亦有可責。上

因讓徵曰。自今宜存形迹。徵曰。君臣同體。宜相與盡誠。

若但存形迹。則國之興喪。未可知也。臣不敢奉詔。上曰。

吾已悔之。徵再拜曰。臣幸得奉事。願使臣為良臣。勿使臣為忠臣。上曰。忠良有異乎。對曰。稷契臯陶。君臣協心。俱享尊榮。所謂良臣。龍逢比干。面折廷爭。身誅國亡。所謂忠臣。上悅。上問。魏徵曰。人主何為而明。何為而暗。對曰。兼聽則明。偏信則暗。昔堯清問下民。舜明目達聰。故共鯀驩苗。不能蔽也。秦二世偏信趙高。以成望夷之禍。梁武帝偏信朱异。以取臺城之辱。隋煬帝偏信虞世基。以致彭城閣之變。是故人君兼聽廣納。則貴臣不得壅蔽。而下情得以上通也。上曰。善。上謂魏徵曰。齊後主周天元。皆重斂百姓。厚自奉養。力竭而亡。譬如饒人自噉其肉。肉盡而斃。何其愚也。然二主孰為最劣。對曰。齊後主懦弱。政出多門。周天元驕暴。威福在己。雖同為亡國。齊主尤劣也。上謂侍臣曰。人言天子至尊。無所畏憚。朕則不然。上畏皇天之鑒臨。下憚羣臣之瞻仰。兢兢業業。猶恐不合天意。未副人望。魏徵曰。此誠致治之要。願陛下謹終如始。則善矣。

夏六月。以馬周

字賓王。博州茌平人。

為監察御史。

周客遊長安。舍于中郎將常何之家。會以早求言。何武人不學。周代之陳便宜二十餘條。上怪問之。何對曰。此

常何固非能知周之賢而客之陳書具草適逢其會耳太宗一問而何即具以

對其不欺尤爲可取

臣家客馬周爲臣具草耳。上卽召見。與語甚悅。除監察御史。以何爲知人。賜絹三百匹。

秋八月己巳朔日食。

冬十一月。以荀悅漢紀賜涼州都督李大亮。

上遣使至涼州。都督李大亮有佳鷹。使者諷使獻之。大亮密表曰。陛下久絕畋遊。而使者求鷹。若陛下之意。深乖昔旨。如其自擅。乃是使非其人。上悅。手詔褒美。賜以荀悅漢紀。

以李靖爲定襄道行軍總管。統諸軍討突厥。

初。薛延陀真珠可汗遣其弟入貢。突厥頡利可汗大懼。

始遣使稱臣。請尚公主。代州都督張公謹上言。突厥可汗取之狀曰。頡利縱欲逞暴。誅忠

良。雖姦佞一也。諸部皆叛二也。突利諸設皆得罪無所
自容三也。塞北霜早。餓糧乏絕四也。疎其族類。親委諸
胡。大軍一臨。必生內變五也。華人入北。所在嘯聚。大軍
出塞。自然響應六也。上以頡利既請和親。復援梁師都。命李靖為行軍總管。討之。以張公謹
為副。復以李世勣。柴紹。薛萬徹。為諸道總管。眾合十餘
萬。皆受靖節度。分道出擊突厥。

十二月。突厥突利可汗入朝。

上曰。往者。太上皇以百姓之故。稱臣于突厥。朕嘗痛心
焉。今單于稽顙。庶幾可雪前耻矣。昔人謂禦戎無上策。
朕今治安中國。而四夷自服。豈非上策乎。

閏月。蠻酋謝元深

東謝蠻也。又有南謝蠻。皆南蠻別種。在黔州之西。

等來朝。

時遠方諸國來朝貢者甚眾。服裝詭異。中書侍郎顏師

古請作王會圖

汲冢周書有王會篇以示後從之
定歲尸部表中國人自塞外歸

及四夷前後附降者男
女一百二十餘萬口

庚寅

四年春二月李靖襲破突厥于陰山。頡利可汗遁走。

李靖帥驍騎三千自馬邑進夜襲定襄破之。頡利不意

靖倉猝至大驚徙牙于磧石。靖復遣謀離其心腹。頡利

所親康蘇密以隋蕭后及楊政道來降。李世勣出雲中。

此古雲中城也。注見前。唐于恒安鎮戰于白道。在今歸化城北。

置雲州亦曰雲中郡。今大同府是。
水經注。芒干水西南逕白道南谷口。即此。
亦大破之。頡利既敗竄于鐵山。在陰

山之北。衆尚十餘萬。遣執失思力入見謝罪求朝。上遣鴻

臚卿唐儉等慰撫之。又詔李靖將兵迎之。頡利外爲卑

辭。內實猶豫。謀走磧北。靖引兵與世勣會白道。謀襲頡

頡利既窺鐵山勢已不振
卽中懷猶豫其敗亡止在
旦夕間何妨俟詔使既還
而襲擊之初非有迫不及
待之機也幸而唐儉輩乘
間得脫否則幾不免爲酈
生之烹靖急于圖功而置
諸人爲不足惜豈爲將仁
勇兼至之道哉

利靖等謀曰頡利雖敗其衆猶盛走度磧北則難圖矣
張公謹曰詔使至彼虜必自寬若選萬騎襲之不戰可擒矣
靖曰此韓信所以破齊也唐儉輩何足惜遂勒兵夜發
世勣繼之頡利見儉來大喜靖前鋒去牙帳七里頡利
始知之乘千里馬先走其衆遂潰唐儉脫身得歸靖殺
義成公主斬首萬餘級俘男女十餘萬世勣軍磧口酋
長皆帥衆降世勣虜五萬餘口而還

三月四夷君長詣闕請帝爲天可汗許之

四夷君長詣闕請上爲天可汗上曰我爲大唐天子又
下行可汗事乎羣臣及四夷皆稱萬歲是後以璽書賜
西北君長皆稱天可汗

蔡公杜如晦卒諡曰成

如晦疾篤上遣太子問疾又自臨視之及幸上謂及必
流涕謂房元齡曰公與如晦同佐朕今獨見公不見如
晦矣

夏四月行軍副總管張寶相擒突厥頡利可汗以獻

頡利敗走往依沙鉢羅設突厥官名蘇尼失啓民之弟部落任城

王道宗引兵逼之使蘇尼失執頡利行軍副總管張寶
相取之以獻蘇尼失舉衆來降漠南遂空上御樓受俘

館之太僕上皇聞之歎曰漢高祖困白登不能報今我

子能滅突厥吾付託得人復何憂哉突厥既亡其部落或北附薛延陀或

西奔西域其降唐者尚十萬口詔羣臣議區處之宜溫彥博請準漢建武故事置于塞下順其土俗以實空虛之地使爲中國扞蔽魏徵以爲戎狄弱則請服強則叛亂若留之中國數年之後蕃滋倍多必爲腹心之疾西

晉之禍。前事之明鑒也。宜縱之使還故土便。上卒用彥博策。處突厥降衆。東自幽州。西至靈州。分突利故地爲四州。又分頡利故地爲六州。左置定襄。右置雲中。都督府以統其衆。以突利爲順州都督。頡利爲右衛大將軍。其餘拜官有差。因而入居長安者近萬家。定襄都督。僑治寧朔。雲中都督。僑治朔方。順州都督。僑治營州南五柳戍。

詔訟不決者。聽于東宮上啓。

詔訟者。經尚書省判。不服。聽于東宮上啓。委太子裁決。不服。然後開奏。

六月。修洛陽宮。

給事中張元素上書曰。陛下初平洛陽。凡隋氏宮室之宏侈者。皆令毀之。曾未十年。復加營繕。何前日惡之而今日效之也。且以今日財力。何如隋世。陛下役瘡痍之

人襲亡隋之弊。恐又甚于煬帝矣。上卽爲之罷役。魏徵

聞之歎曰。張公論事。有回天之力。可謂仁人之言矣。而已

復命將作大匠竇璉脩之。璉鑿池築山。雕飾華靡。上怒。遽令毀之。免璉官。

秋七月甲子朔日食。

敕百司詔敕未便者皆執奏。

上問房元齡。蕭瑀曰。隋文帝何如主也。對曰。文帝勤于爲治。臨朝或至日昃。五品以上引坐論事。衛士傳餐而食。雖性非仁厚。亦勵精之主也。上曰。公得其一。未知其二。文帝不明而喜察。不明則照有不通。喜察則多疑于物。事皆自決。不任羣臣。一日萬幾。豈能一一中理。羣臣既知主意。唯取決受成。雖有愆違。莫敢諫諍。此所以二

世而亡也。朕則不然。擇天下賢才。寘之百官。天下之事。關由宰相。審熟便安。然後奏聞。有功則賞。有罪則刑。誰敢不竭心力以修職業乎。因敕百司。自今詔敕行下。有未便者。皆應執奏。毋得阿從。

以李大亮爲西北安撫大使。

西突厥種落散在伊吾。

注見前。

詔以李大亮爲安撫大使。

貯糧磧口以賑之。大亮言。欲懷遠者必先安近。中國如本根。四夷爲枝葉。疲中國以奉四夷。猶拔本根以益枝葉也。今招致西突厥。但有勞費。未見有益。不如罷之。其或自立君長。求內屬者。羈縻受之。使居塞外。爲中國藩蔽。上從之。

未幾伊吾來降。以其地置西伊州。唐伊州故城在今哈密境。

詔定常服差等。

三品以上服紫。四品五品服緋。六品七品服綠。八品服

青。婦人從其夫色。

九月以張儉

字師約京兆新豐人檢校代州都督。

思結部落饑貧。張儉招集之。其不來者。仍居磧北。親屬私相往還。儉亦不禁。及儉代去。思結將叛。詔儉往察之。儉單騎說諭。徙之代州。卽以儉檢校代州都督。儉因勸使營田。歲大稔。儉又恐其蓄積多。有異志。奏請和糴。以充邊儲。部落喜。營田轉力。而邊備實焉。

冬十一月除鞭背刑。

上讀明堂鍼灸書云。人五臟之系咸附于背。故有是命。

高昌王麴文泰入朝。

文泰入朝。西域諸國皆因文泰請朝。上令文泰使人迎之。魏徵諫曰。昔光武不聽西域送侍子。置都護以爲不以蠻夷勞中國。前者文泰之來。緣道供億甚苦。若諸國皆來。將不勝其弊。姑聽其商賈往來。與邊民交市。則可矣。倘以賓客遇之。非中國之利也。時所使人已行。上遽止之。

大有年。

先是元年。關中饑。米斗直絹一匹。二年。天下蝗。三年。大水。上勤而撫之。民雖東西就食。未嘗嗟怨。是歲。天下大稔。流散者咸歸鄉里。米斗不過三四錢。終歲斷死刑。纔

是時海寓父安中外恬謐
太宗方兢兢業業不敢侈
以爲豐亨豫大之喜一懼
之說猶在十思十漸之前
堂陛交孚吁俞相儆宜貞
觀致治與中天媲美哉

三十九人東至于海南及五嶺皆外戶不開行旅不齎糧取給于道路焉。上之初卽位也嘗與羣臣語及教化也魏徵對曰不然久安之民驕佚驕佚則難教經亂之民愁苦愁苦則易化譬飢者易爲食渴者易爲飲也上深然之封德彝曰三代以還人漸澆訛故秦任法律漢雜霸道蓋欲化而不能豈能之而不欲邪魏徵書生不識時務信其虛論必敗國家徵曰五帝三王不易民而化湯武皆承大亂之後身致太平若謂古人淳樸漸至澆訛則至于今日當悉化爲鬼魅矣人主安得而治之上卒從徵言至是上謂長孫無忌曰貞觀之初言者皆云人主當獨運威權不可委之臣下又云宜震耀威武征討四夷惟魏徵勸朕偃武修文中國旣安四夷自服朕用其言今頗利成擒其酋長並帶刀宿衛皆襲衣冠徵之力也但恨不使封德彝見之耳徵再拜謝曰此皆陛下威德臣何力之有焉帝曰朕能任公公能稱朕所任則其功豈獨在朕乎上又謂侍臣曰朕有二喜一懼比年豐稔斗粟三錢一喜也北虜久服邊鄙無虞二喜也治安則驕侈易生驕侈則危亡立至此一懼也房元齡奏閱府庫甲兵遠勝隋世上曰甲兵武備誠不可闕然煬帝甲兵豈不足邪卒亡天下若公等盡力使百姓

又安。此乃朕之甲兵也。

辛卯五年春正月。詔僧道致拜父母。

皇太子冠。

有司言皇太子冠。用二月吉。請造兵備儀仗。上曰。東作方興。宜改用十月。少傅蕭瑀奏。據陰陽書。不若二月。上曰。吉凶在人。若動依陰陽。不顧禮義。吉可得乎。循正而行。自與吉會。農時急務。不可失也。

詔諸州剗削京觀。加土爲墳。

以金帛賜突厥。贖男女八萬口。

秋八月。殺大理丞張蘊古。

河內人李好德有心疾。妄爲妖言。大理丞張蘊古按之。

奏好德實被疾不當坐治書侍御史權萬紀京兆萬幼年人

奏蘊古相州人而好德兄厚德為其刺史故蘊古阿意

縱之上怒斬之既而悔之因詔自今有死罪雖令即決

仍三覆奏乃行刑萬紀與侍御史李仁發俱以告訐有寵大臣數被譴怒魏徵諫曰此等小人

不識大體以訐為直以讒為忠陛下非不知其無堪但取其無所避忌欲以警策羣臣耳而彼挾恩依勢逞其姦謀凡所彈射皆非有罪陛下縱不能舉善以厲俗奈何昵姦以自損乎上默然既而萬紀等皆得罪

九月帝獵于後苑

上逐兕于後苑將軍執失思力本突厥酋長諫曰天命陛下

為華夷父母奈何自輕上又將逐鹿執失思力脫巾解

帶跪而固諫上為之止

冬十月詔議封建

封建不能行於三代以後時勢使然宗元論之詳矣

百藥建能深有鑑于漢七
國淮南之事魏徵斤計
及經費未免不揣木而齊
末矣若顏師古月攘之見
與蕭瑀之泥古相去無幾
焉足與議大政哉

初上問公卿以享國久長之策蕭瑀對曰三代封建而
長久秦孤立而速亡上以爲然至是令羣臣議之魏徵
京畿稅少多資畿外若盡以封建經費頓闕又燕秦趙
代俱帶外夷若有警急追兵內地難以奔赴李百藥以
爲勲戚子孫皆有民社易世之後將驕淫自恣攻戰相
殘害民尤深不若守令之迭居也顏師古以爲不若分
王宗子勿令過大間以州縣雜錯而居互相維持足扶
京室爲置官僚皆省司選用法令之外不得擅作威刑
朝貢禮儀具爲條式一定此制萬代無虞于是詔宗室
勲賢宜令作鎮藩部貽厥子孫所司明爲條例定等級
聞以

十一月林邑

新羅弁韓苗裔居漢樂浪地今爲朝鮮國慶尚道

入貢

先是林邑獻火珠

石珠也日中艾藉珠輒火出

有司以其表辭不順

請討之上不許至是林邑復獻五色鸚鵡新羅獻美女

魏徵以爲不宜受上曰林邑鸚鵡猶能自言其苦寒思歸其國况女遠別親戚乎

各付使者歸

之。

十二月。開党項。注見前。之地爲十六州。

党項內屬者。前後三十萬口。

制自今決死刑者。皆覆奏。決日。徹樂減膳。

上謂侍臣曰。朕以死刑至重。故令三覆。蓋欲思之詳熟也。而有司須臾之間。三覆已訖。又斷獄者。惟據律文。雖情在可矜。而不敢違法。其間豈能盡無冤乎。古者刑人。君爲之徹樂減膳。朕庭無常設之樂。然常爲之不啖酒肉。但未有著令耳。于是制決死囚者。二日中五覆奏。下諸州者三覆奏。行刑之日。尚食勿進酒肉。內教坊武德中置以隸散樂。及太常不舉樂。皆令門下覆視。有據法當死而情

大夫有靜臣主有靜友太宗勸臣下受諫亦原本孝經意蓋一人之才識豈必盡當苟能集思廣益自不致輕涉愆尤況獄獄民命所存而治盜茲其攸判尤不可不虛公訪納邪倘遲其私智不恤人言甚且怙過飾非顛倒黑白其弊濫復何所底司憲者可不鑑諸

可矜者錄狀以聞由是全活甚衆

上嘗與侍臣論獄魏徵曰煬帝時嘗有盜

發捕得拷訊服罪者二千餘人悉令斬之大理丞張元

濟尋其狀惟五人嘗為盜餘皆平民竟不敢執奏盡殺

之上曰此豈惟煬帝無道其臣亦不盡忠君臣如此何

得不亡公等宜戒之上又嘗謂執政曰朕常恐因喜怒

妄行賞罰故欲公等極諫公等亦宜受人諫不可

以已之所欲惡人違之苟自不能受諫安能諫人

康國西域國其王姓溫本月支氏居祁連北為突厥所破

求內附稍南依蔥嶺即有其地支庶分為九國康其一也

康國求內附上曰前代帝王好招來絕域以求遠服之

名無益于用而糜弊百姓今康國內附儻有急難于義

不得不救師行萬里豈不疲勞勞百姓以取虛名朕不

為也遂不受上謂侍臣曰治國如治病病雖愈猶宜將

護儻遽自放縱病復作則不可救矣今中

國幸安四夷俱服誠自古所稀然朕口慎一日惟懼不

終故欲數聞卿輩諫爭也魏徵曰內外治安臣不以為

喜。惟喜陛下
居安思危耳。

壬辰六年春正月乙卯朔日食。

羣臣請封禪。不許。

初羣臣數請封禪。上曰。卿輩皆以封禪爲帝王盛事。朕意不然。若天下又安。家給人足。雖不封禪。庸何傷乎。昔秦始皇封禪。而漢文帝不封禪。後世豈以文帝不若始皇邪。且事天掃地而祭。何必登泰山之巔。封數尺之土。然後可以展其誠敬乎。已而羣臣固請不已。上亦欲從之。魏徵獨以爲不可。上曰。公不欲朕封禪者。以功未高邪。德未厚邪。中國未安。四夷未服邪。年穀未豐。符瑞未至邪。對曰。今雖有此六者。然戶口未復。倉廩尚虛。車駕

尚未可。而不能斥言云。亭

梁父之失故范祖禹輯唐鑑得從而讓之若梁許懋謂聖主不須封禪一語最為切中事理足以廣君德而杜羣言惜微未能引及也

東巡供頓勞費。又伊洛以東。灌莽極目。而遠夷君長。皆當扈從。此乃引戎狄入腹中。而示之以虛弱也。况賞賚不貲。未厭遠人之望。給復連年。不償百姓之勞。崇虛名而受實害。陛下將焉用之。會河南北數州大水。事遂寢。明年。羣臣復以為請。上喻以舊有氣疾。恐登高增劇。乃止。

范氏祖禹曰。封禪實自秦始。古無有也。太宗方明。而後者猶倡其議。獨魏徵以為時未可。而亦不以為非也。後議其禮。徵亦與焉。高宗明皇。遂踵而行之。終唐之世。惟柳宗元以封禪為非。世俗之惑。可勝歎焉。

三月如九成宮。

即隋仁壽宮。常修之。因更名。

上幸九成宮避暑。監察御史馬周上疏曰。大安宮。

太上皇所居。

在城西。制度卑小。而車駕獨為避暑之行。是太上皇留暑中。而陛下居涼處也。溫清之禮。臣竊有所未安。且

漢明封諸皇子皆令半楚
淮陽向曾善論若太宗資
送公主乃欲倍長公主較
漢明之矯枉過正實為不
及遠矣

太上皇春秋已高。陛下宜朝夕視膳。今九成宮去京師

三百餘里。太上皇或時思念陛下。陛下何以赴之。然今

行計已成。不可復止。願速示返期。以解衆惑。上深納之。

以長樂公主

帝第五女。長孫皇后所生。

嫁長孫冲。

長樂公主將出降。敕有司資送。倍于永嘉長公主。

高祖女。唐

制。姑為大長公主。姊妹為長公主。女為公主。

魏徵諫曰。昔漢明帝欲封皇子。

曰。我子豈得與先帝子比。皆令半楚。淮陽今奈何資送

公主。反倍于長主乎。上入告皇后。后歎曰。妾數聞陛下

稱重魏徵。不知其故。今觀其引禮義以抑人主之私情。

乃知真社稷之臣也。因請遣中使厚賜徵。且語之曰。聞

公正直。乃今見之。願公常秉此心。勿轉移也。

上嘗罷朝。怒曰。會須

殺此田舍翁。后問謂誰。上曰。魏徵每延辱我。后退具朝服。曰。妾聞主明臣直。今魏徵直。由陛下之明故也。妾敢不賀。上乃悅。

秋。閏七月。宴近臣于丹霄殿。

上宴近臣于丹霄殿。長孫無忌曰。王珪。魏徵。昔日仇讎。不謂今日得同此宴。上曰。徵。珪。盡心所事。故我用之。然徵每諫我不從。我與之言輒不應。何也。魏徵對曰。臣以事爲不可。故諫。若陛下不從。而臣應之。則事遂施行。故不敢應。上曰。應而復諫。何傷。對曰。昔舜戒羣臣。爾無面從。退有後言。臣心知其非。而口應陛下。乃面從也。豈稷契。事舜之意邪。上大笑曰。人言魏徵舉止疎慢。我視之。更覺嫵媚。正爲此耳。徵起拜謝曰。陛下開臣使言。故臣

得盡其愚。若陛下拒而不受。臣何敢數犯顏色乎。上謂王珪

曰元齡以下卿宜悉如品藻且自謂與數子何如曰致

致奉國知無不為臣不如房元齡才兼文武出將入相

臣不如李靖敷奏詳明出納唯允臣不如彥博處繁治

劇衆務畢舉臣不如戴胄耻君不及堯舜以諫諍為已

任臣不如魏徵至于激濁揚清嫉惡好善臣于數子亦

有微長上深以為然衆亦服其確論上指殿屋謂侍

臣曰治天下如建此屋營構既成勿數改移苟易一椽

正一瓦踐履動搖必有所損若慕奇功變法度不恒其

德勞擾實多上曰人主惟一心而攻之者甚衆或以

勇力或以辯口或以諂諛或以奸詐或以嗜慾輻輳攻

之各求自售以取寵祿人主稍懈而受其一則危亡隨

之此其所以難也上嘗臨朝謂侍臣曰朕為人主常

兼將相之事給事中張行成退而上書臣誠不足望清光

而天下莫與之爭陛下萬乘之尊乃與羣臣

然不必臨朝言之以萬乘之尊乃與羣臣

校功爭能臣竊為陛下不取上甚善之

九月如慶善宮

元和志在武功縣南臨渭水

慶善宮上生時故宅也因宴賦詩被之管絃命曰功成

慶善樂使童子八佾。爲九功之舞。大宴會。與破陳舞偕。

奏于庭。

同州刺史尉遲敬德與坐者爭長。毆任城王道宗。目幾眇。上不憚而罷。謂敬德曰。朕欲與卿等

其保富貴。然卿居官數犯法。乃知韓彭蒞醢。非高祖之罪也。敬德由是始懼而自戢。

癸巳

七年春正月。宴元武門。奏七德九功舞。

更名破陳樂曰七德舞。太常卿蕭瑀以爲形容未盡。請

并寫武周仁杲建德世充擒獲之狀。上曰。彼皆一時英

雄。朝臣或嘗北面事之。觀其故主屈辱之狀。能不傷乎。

瑀謝不及。

魏徵欲上偃武修文。每侍宴。見七德舞。輒俛首不視。見九功舞。則諦觀之。

王珪罷。以魏徵爲侍中。

上與侍臣論安危之本。溫彥博曰。願陛下常如貞觀初。則善矣。上曰。朕比來怠于爲政乎。魏徵曰。貞觀之初。陛

下節儉求諫不倦。比來營繕微多，諫者頗有忤旨。此其所以異耳。帝欣然納之。上問魏徵曰：羣臣上書可采及召對多失次，何也？對曰：臣觀百司奏事，常數日思之，及至上前，三分不能道一。況諫者拂意觸忌，非陛下借之辭色，豈敢盡其情哉？上由是接羣臣辭色愈溫。嘗曰：煬帝多猜忌，對羣臣多不語。朕則不然，君臣相親如一體耳。上謂侍臣曰：朕比來決事，或不能皆如律令。公輩以為事小，不復執奏。夫事無不由小以致大，此乃危亡之端也。昔龍逢忠諫而死，朕每痛之。煬帝驕暴而亡，公輩所親見也。公輩常宜為朕思。煬帝之亡，朕常為公輩念。龍逢之死，何患君臣不相保乎？上謂魏徵曰：為官擇人，不可造次。用一君子，則君子皆至；用一小人，則小人競進。對曰：然。天下未定，則專取其才，不考其行；喪亂既平，則非才行兼備，不可用也。

造渾天儀

直太史李淳風

岐州雍人

以靈臺候儀

後魏斛蘭所作

制度疎畧，但

有赤道，更請造渾天黃道儀。至是奏之。

淳風上言：自漢洛下閎作渾儀

其後賈逵張衡皆有之。而推驗七曜。並循赤道。蓋渾儀無黃道久矣。上因詔爲之。儀表裏三重。一日六合儀。二日三辰儀。三日四游儀。皆用銅爲之。

秋九月。山東四十餘州水。遣使賑之。

赦死囚三百九十人。

先是。上親錄繫囚。見應死者憫之。縱使歸家。期以來秋來就死。仍赦天下死囚皆縱遣。使至期來詣京師。至是皆如期自詣朝堂。上皆赦之。

冬十一月。以長孫無忌爲司空。

無忌固辭曰。臣忝預外戚。恐天下謂陛下爲私。上曰。吾爲言擇人。惟才是與。苟不才。雖親不用。如有才。雖讐不棄。今日之舉。非私親也。

十二月帝奉太上皇置酒未央宮

上從上皇宴故漢未央宮上皇命頡利可汗起舞馮智

戴

益之子

詠詩既而笑曰胡越一家古未有也帝捧觴上

壽曰此皆陛下教誨非臣智力所及昔漢高祖亦從太上皇宴此宮妄自矜大臣不取也上皇大悅

賜太子庶子于志寧孔穎達等金帛

帝謂志寧曰朕年十八猶在民間民之疾苦情偽無不知之及區處世務猶有差失况太子生長深宮百姓艱難耳目所未涉能無驕逸乎卿等不可不極諫太子好嬉戲頗虧禮法志寧與穎達數直諫上聞而嘉之各賜金一斤帛五百匹

削工部尚書段綸階。

綸奏徵巧匠。上令試之。綸使造傀儡。

木偶戲也。列子。周穆王時。偃師爲木

人能歌

舞。卽此。上曰。求巧工以供國事。今先造戲具。豈百工相

戒毋作淫巧之意邪。乃削綸階。

甲午

八年春正月。以李靖等爲黜陟大使。分行天下。

上欲分遣大臣。循行黜陟。未得其人。李靖薦魏徵。上曰。徵箴規朕失。不可一日離左右。乃命靖等十三人分行天下。察長吏賢不肖。問民間疾苦。禮高年。賑窮乏。褒善。良。起淹滯。俾使者所至。如朕親覩。

夏五月辛未朔日食。

秋七月山東河南大水。

冬十月以李靖為特進。

先是靖拜右僕射。

靖性沉厚每與時宰議政恂恂如不能言。

既而以疾辭位。

上曰朕嘉公意欲以公為一代楷模故不相違乃拜特

進俟疾小瘳間三二日一至中書門下平章政事。

歐陽修曰。

平章事之名始于此。

吐蕃

本西羌屬姓勃罕野居析支水西在吐谷渾西南今西藏地是。

遣使入貢。

劉友益曰此吐蕃通

中國之始。

吐蕃自隋以來未嘗通中國其王稱贊普俗不言姓王

族皆曰論官族皆曰尚近世浸彊勝兵數十萬贊普棄

宗弄讚有勇畧四鄰畏之遣使入貢仍請昏詔遣使者

往慰諭之。

吐谷渾寇涼州。以李靖爲大總管。帥諸軍討之。

吐谷渾可汗伏允老耄。其臣天柱王用事。數入塞侵盜。詔大舉討之。上欲以李靖爲將。爲其老。重勞之。靖聞之。請行。上大悅。以靖爲西海道行軍大總管。節度諸軍討之。

聘鄭氏爲充華。

唐婦官。九嬪之一。旣而罷之。

冊使之命已傳而從意者猶爲曲說。故太宗改過不吝。嘗論所云日月之食是也。魏徵善體物情。大易所云納約自牖是也。

帝聘鄭仁基女爲充華。冊使將發。魏徵聞其嘗許嫁士人陸爽。遽上表諫。帝大驚自責。命停冊使。房元齡等奏許嫁無顯狀。爽亦表言。初無此議。帝謂徵曰。羣臣或容希合。爽亦自陳。何也。對曰。彼以陛下爲外。雖捨之。或陰加罪譴。故爾。帝笑曰。朕之言。不能使人必信如此邪。

以皇甫德參為監察御史

中牟丞皇甫德參上言。修洛陽宮。勞人收地租厚斂。俗好高髻。蓋宮中所化。上怒。謂房元齡等曰。德參欲國家不役一人。不收斗租。官人皆無髮。乃可其意邪。欲罪之。魏徵曰。言不激切。不能動人主之心。陛下擇焉可也。上曰。朕罪此人。則誰復敢言者。乃賜絹二十匹。他日。徵奏言。陛下近日不好直言。雖勉強含容。非曩時之豁如。上乃更加優賜。拜監察御史。中書舍人高季輔上言。外官卑品。猶未得祿。饑寒切身。難保清白。宜量加優給。然後可責以不貪。比見帝子。開諸叔。叔皆答拜。紊亂昭穆。宜訓之以禮。上善之。高季輔名馮。以字行。德州蓆人。

乙未九年夏五月。太上皇崩。

先是上皇徙居大安宮。在三及是崩于垂拱殿。

李靖伐吐谷渾破之。

任城王道宗擊破吐谷渾其可汗伏允悉燒野草輕兵走入磧諸將以為馬無草未可深入侯君集曰虜一敗之後鼠逃鳥散取之易于拾芥此而不乘後必悔之李靖從之中分其軍為兩道靖與薛萬均李大亮由北道。

君集與道宗由南道靖等敗吐谷渾于牛心堆。在今西寧邊外

湟河西水經注牛心川水東北又敗諸赤水源。在今青海南隋

于此置君集道宗引兵行無人之境二千餘里盛夏降

霜人斃冰馬噉雪追及伏允于烏海。在青海漢與戰大

破之靖督諸軍經積石河源。唐書吐谷渾傳君集道宗次星宿川望積石山覽觀

河源。星宿川。卽元史所云星宿海。積石山。卽唐人所云大積石。注俱詳見前。窮其西境。襲破

伏允牙帳。斬首數千級。獲雜畜二十餘萬。伏允子順。斬

天柱王來降。伏允脫身走。衆散稍盡。爲左右所殺。國人

立順爲可汗。詔以爲西平郡王。順未能服其衆。順久質中華。國

人不附。命李大亮將精兵數千。爲其聲援。旣而順竟爲國

人所殺。上復使侯君集將兵。立其子諾曷鉢爲可汗。總

高饒生後軍期。李靖按之。饒生誣靖謀反。按驗無狀。饒生坐減死徙邊。或言饒生秦府功臣。宜寬其罪。上曰。國

家功臣多矣。若饒生獲免。則人人犯法。安可復禁乎。靖自是闔門杜絕賓客。雖親戚不之見。

秋七月。詔禮官議廟制。

諫議大夫朱子奢請立三昭三穆。而虛太祖之位。于是

增修太廟。附弘農府君。名重耳。涼武昭王之孫。及高祖并舊神主

四。爲六室。房元齡等議以涼武昭王爲始祖。于志寧以爲武昭王非王業所因。不可爲始祖。上從之。

冬十月葬獻陵。在今西安府三原縣東南。

初。詔山陵依漢長陵。漢高祖陵。故事。秘書監虞世南上疏以

爲陛下聖德。度越唐虞。葬親乃以秦漢爲法。臣竊爲陛

下不取。願依白虎通。爲三仞之墳。節損制度。刻石陵旁。

藏書宗廟。用爲子孫之法。疏奏不報。世南復奏。上乃詔

有司議之。房元齡等以爲漢長陵九丈。原陵光武陵。高六

丈。今九丈則太崇。三仞則太卑。請依原陵之制。從之。又詔

太原立高祖廟。秘書監顏師古以爲寢廟應在京師。漢世郡國立廟非禮。乃止。

史臣曰。高祖之興。因時特起。其有天下。年幾三百。可謂盛哉。豈非人厭隋亂而蒙德澤。繼以太宗之治。紀綱法

度後世有以憑藉扶持而能永其天命歟。

十一月以蕭瑀為特進參預政事。

上曰武德季年高祖有廢立之心而未定我不為兄弟所容實有功高不賞之懼斯人也。不可以利誘。不可以死脅。真社稷臣也。因賜瑀詩曰。疾風知勁草。板蕩識誠臣。

丙申十年春二月以荆王元景高祖之子等為諸州都督。

諸王之藩上與之別曰。兄弟之情豈不欲常共處邪。但

以天下之重不得不爾。諸子尚可復有。兄弟不可復得。

因流涕嗚咽不能止。

魏王泰為相州都督。不之官。上以泰好文學。特命于其府。別置文學館。

聽自引召學士。泰有寵于上。或言諸大臣多輕之。上怒。召諸大臣讓之曰。隋文帝時大臣皆為諸王所頓躓。

我若縱之。豈不能折辱公輩邪。房元齡等皆謝。魏徵正色曰。若綱紀大壞。固所不論。聖明在上。魏王必無頓辱羣臣之理。隋文帝驕其諸子。卒皆夷滅。又足法乎。上悅。曰。朕以私愛忘公義。及聞公言。方知理屈。人主發言。何得容易乎。

夏六月。皇后長孫氏崩。

后性仁孝儉素。好讀書。常與上從容商畧古事。因而獻替。裨益弘多。撫視庶孽。逾于所生。妃嬪以下。無不愛戴。訓諸子。常以謙儉爲先。及疾篤。

與上訣。時房元齡以譴歸第。后曰。元齡事陛下久。小心慎密。苟無大故。不可棄也。妾之本宗。因緣葭莩。以致祿位。旣非德舉。易致顛危。欲保全之。慎勿處之權要。更願陛下親君子。遠小人。納忠諫。屏讒慝。省作役。止遊畋。則妾死不恨矣。后嘗采自古婦人得失事。爲女則三十卷。

及崩。宮司奏之上覽之悲慟。以示近臣曰。皇后此書。足以垂範百世。朕非不知天命。而爲無益之悲。但入宮不復聞規諫之言。失一良佐。故不能忘懷耳。乃召元齡使復其位。

秋。禁上書告訐者。

上謂羣臣曰。朕開直言之路。以利國也。而比來上封事者。多訐人細事。自今復有爲是者。朕當以讒人罪之。

冬。十一月。葬文德皇后。

苑中作觀登而望之。必非一日之事。徵早宜進諫。卽秘不使徵知其引登使視之時。亦當正諫。乃謬爲不見。而有獻陵昭陵之譏。使

帝念后不已。于苑中作層觀以望昭陵。嘗引魏徵同登。使視之。徵熟視之。曰。臣昏耗不能見。上指示之。徵曰。臣以爲陛下望獻陵。若昭陵。則臣固見之矣。上泣爲毀觀。

太宗何以爲人豈純臣而
宜此哉

十二月朱俱波甘棠皆西域國名遣使入貢。

朱俱波

亦曰朱俱繁。卽漢子合國。

在蔥嶺之北。去瓜州三千八百里。

甘棠在大海南。

在西海之南。崑崙人也。

上曰。中國旣安。四夷自服。

然朕不能無懼。昔秦始皇威振胡越。二世而亡。惟諸公

匡其不逮耳。

黜治書侍御史權萬紀。

萬紀上言。宣饒

唐宣州。今江南寧國府是饒州。注見前。

銀大發。采之。歲可

得數百萬緡。上曰。朕貴爲天子。所乏者非財也。但恨無

嘉言可以利民耳。與其得數百萬緡。何如得一賢才。卿

未嘗進一賢才。而專言銀利。昔堯舜抵璧于山。投珠于

谷。漢之桓靈。乃聚錢爲私藏。卿欲以桓靈俟我邪。是日。

黜萬紀使還家。

更命統軍別將爲折衝果毅都尉。統軍爲折衝都尉。別將爲果毅都尉。

凡十道置府六百三十四。而關內二百六十一。皆隸諸

衛。及東宮六率。注見前。凡上府兵千二百人。中府千人。下

府八百人。三百人爲團。團有校尉。五十人爲隊。隊有正

十人爲火。火有長。每人兵甲糧裝各有數。輸之庫。征行

給之。二十爲兵。六十而免。能騎射者爲越騎。其餘爲步

兵。每歲季冬折衝都尉帥以教戰。當給馬者官與直。當

宿衛者番。猶班也。上兵部以遠近給番。遠疎近數。皆一月

而更



